



17
18
19
20
21
22
23
24
25
26
27
28
29
30
31
32
33
34
35
36
37
38
39
40

5130
550
印 = 233



13990



金石萃編卷九十三



賜進士出身 誥授光祿大夫刑部右侍郎加七級王昶撰

唐 五十三

顏魯公與郭僕射書

石橫廣四尺六分高三尺二分兩截書上截三十二行旁添一行下截三十二行旁添三行每行字數不計草書在西安府學

十一月 日金紫光祿大夫檢校刑部尚書上柱國魯

郡開國公顏真卿謹奉書于右僕射定襄郡王郭公閣

下蓋太上有立德其次有立功是之謂不朽抑又聞之

端揆者百寮之師長諸侯王者人臣之極地今僕射挺

金石錄卷九十三
不朽之功業當人臣之極地豈不以才爲世出功冠一時挫思明跋扈之師抗迺統無厭之請故得身畫凌煙之閣名藏太室之廷吁足畏也然美則美矣然而終之始難故曰滿而不溢所以長守富也高而不危所以長守貴也可不儆懼乎書曰爾惟弗矜天下莫與汝爭功爾惟不伐天下莫與汝爭能以齊桓公之盛業片言勤王則九合諸侯十匡天下葵丘之會微有振矜而叛者九國故曰行百里者半九十言晚節末路之難也從古至今泉我高祖太宗已來未有行此而不理廢此而不亂者也前者菩提寺行香僕射指麾宰相與兩省臺

省已下常參官並爲一行坐魚開府及僕射率諸軍將爲一行坐若一時從權亦猶未可何況積習更行之乎一昨以郭令公父子之軍破犬羊兇逆之衆衆情欣喜恨不頂而戴之是用有興道之會僕射又不悟前失徑率意而指麾不顧班秩之高下不論文武之左右苟以取悅軍容爲心曾不顧百寮之側目亦何異清晝攫金之士哉甚非謂也君子愛人以禮不聞姑息僕射得不深念之乎真卿竊聞軍容之爲人清修梵行深入佛海况乎收東京有殄賊之業守陝城有戴天之功朝野之人所共貴仰豈獨有分子僕射哉加以利衰塗割恬然

於心固不以一毀加怒一敬加喜尚何半席之座咫尺之地能汨其志哉且鄉里上齒宗廟上爵朝廷上位皆有等威以明長幼故得彝倫叙而天下和平也且上自宰相御史大夫兩省五品以上供奉官自爲一行十二衛大將軍次之三師三公令僕少師保傅尚書左右丞侍郎自爲一行九卿三監對之從古以然未嘗參錯至如節度軍將各有本班卿監有卿監之班將軍有將軍之位縱是開府特進並是勳官用蔭卽有高卑會讌合依倫叙豈可裂冠毀冕反易彝倫貴者爲卑所凌尊者爲賤所偪一至於此振古未聞如魚軍容階雖開府官卽監門將軍朝廷列位自有次叙但以功績旣高恩澤莫二出人王命衆人不敢爲比不可令居本位須別示有尊崇只可於宰相師保座南橫安一位如御史臺衆尊知雜事御史別置一榻使百寮共得瞻仰不亦可乎聖皇時開府高力士承恩宣傳亦只如此橫座亦不聞別有禮數亦何必令他失位如李輔國倚承恩澤徑居左右僕射及三公之上令天下疑怪乎古人云益者三友損者三友願僕射與軍容爲直諫之友不願僕射爲軍容佞柔之友

又一昨裴僕射誤欲令左右丞勾當尙書當時輒有訓

金石錄卷九十三
對僕射侍貴張日見尤介衆之中不欲顯過今者興道
之會還爾遂非再獨八座尚書欲令便向下座州縣軍
城之禮亦恐未然朝廷公讌之宜不應若此今既若此
僕射意只應以爲尚書之與僕射若州佐之與縣令乎
若以尚書同於縣令則僕射見尚書令得如上佐事刺
史乎益不然矣今既三廳齊列足明不同刺史且尚書
令與僕射同是二品只按上下之階六曹尚書並正三
品又非隔品致敬之類尚書之事僕射禮數未敢有失
僕射之顧尚書何乃欲同卑吏又據宋書百官志八座
同是第三品隋及國家始升別作二品高自標致誠則
尊崇向下擠排無乃傷甚况再於公堂獨咄常伯當爲
令公初到不欲紛披僂僂就命亦非理屈朝廷紀綱須
共存立過爾隳壞亦恐及身 明天子忽震電含怒責
戮彝倫之人則僕射將何口以對

昨日長安安師文出所藏顏公與定襄郡王書草數
紙比公他書尤爲奇特信手自書動有姿態乃知瓦
注賢于黃金雖公猶未免也

東坡集

魯公與郭令公書論魚軍容坐席凡七紙而長安安
氏兄弟異財時以前四紙作一分後三紙及乞鹿脯
帖作一分以故人間但傳至不願與軍容爲佞柔之

友而止元祐中余在京師始從安師文借得後三紙遂合爲一此書雖奇特猶不及蔡濠州刺史文之妙蓋一紙半書而真行草法皆備也

黃文憲公集

右唐顏魯公與郭僕射書僕射郭英又也魯公於座位高下小有失當猶力爭如此使之立朝其肯逢君

之惡乎

金石錄

魚朝恩擠郭令公折元載搗相里造侵王縉一時權燄熏灼若此魯公秉義以奪其驕至今幾五百年尚凜凜有生意倚其備與但其間稱譽朝恩尙數十言大半於行間增入豈猶未免於危行言孫邪

魏了翁鶴山集

魯公作字多變窠大書端勁而秀偉黃魯直云此所期無不欲高照千載者此帖草略匆匆前所未見開軸未暇熟視已覺粲然忠義之氣橫溢而點畫所至處便自奇勁公嘗謂盧杞曰朝廷法度豈更堪公破壞也于此又曰朝廷綱紀須共存立凜然想見其爲人蓋公所遭之時如此而所守之道不得不然故倉卒未敢忘國之綱紀也余私有感于中者因記于此

石門文
字禪

坐位帖真蹟在京兆安氏家嘗刻以傳世吳中復守永興謂安氏石未盡筆法因再模刻此二本余家咸

有之安氏子孫分析坐位帖乃剖爲二此帖至行五
寺僕射指後不復有蓋長安石刻本卓頭高指後別
爲一行遂由是平分爲兩是安氏兄弟不學之謬東
坡見安師文時帖尙全嘗手搨數十本余得坡公搨
本於東平王氏無纖毫失真旁用眉陽蘇氏及趙郡
蘇軾印記米襄陽年少嘗臨之邵伯溫亦云安氏析
後不復見全本此卷筆法絕類米老遂定爲米老所

臨無疑

袁梅清容
居士集

西安府學顏魯公座位帖得之按察使李俊此帖與
北京本字行微有不同處字亦稍剝不若北京本之

精好也北京本云初止二石永樂十一年民家發地
又得二石始爲完物然予所得於洪常秀才者亦四
幅但視此則首缺六行尾缺八行不知其如何也

菜
稿堂

按元章待訪錄是楮紙用先豐縣先天廣德中牒起
草秃筆今此石刻中秃筆宛然都元敬寓意編謂馬
主事抑之家藏有米臨此帖內有元時袁文清柄跋
謂京兆安氏嘗刻以傳世吳中復守未與以安氏石
未盡筆法因再募京兆永興替陝中地名今石在陝
中豈卽安氏原石耶抑永興重募者耶又謂安氏分

析時剖此帖爲二至僕射指下遂平分爲兩以石刻較之正居其半今此帖共六十九行僕射指處止十九行正得四分之一多二行豈馬所藏本又止半幅耶元章書史又謂內小行是於行間添注不盡又於行下空紙邊橫寫與刻本不同若是來臨本亦當作橫寫乃是何袁跋未見言及此帖首十餘行尙覺屈彊未舒至僕射指以下乃始活潑飛動至皆有等威後又更渾化入妙結末數行筆已倦意已懈而餘興淋漓更出屋漏雨蹟殆若所云懷素自言初不知者若分得後半當是獲膏腴產矣袁跋又云嘗得坡翁

搨本無毫髮失真蘇公見安師文帖時帖尙全嘗手搨數本書遂大進蘇本久不聞應已湮沒馬氏藏米

本不遠今尙能存否內尊者爲賊所偏當是賤所偏又別置一榻下重使字想皆係原稿誤古人書皆手

寫其正本奈何反不傳

書畫跋跋

宋沈括夢溪筆談曰都堂及寺觀百官會集坐次多出臨時唐以前故事皆不可考惟顏魯公與左僕射定襄郡王郭英又書云宰相御史大夫兩省五品供奉官自爲一行十二衛大將軍次之三師三公令僕少師保傅尙書左右丞侍郎自爲一行九卿三監對

之從古以來未嘗參錯此亦畧見當時故事

金石文字記

此魯公與郭英又書英又為尚書右僕射封定襄郡

王驕蹇泰侈陰事元載魚朝恩以固其權時郭子儀

大破吐蕃於長安朝臣德之為興道之會英又擠八

座尚書坐朝恩下公移書糾正之年譜以此書在代

宗廣德二年按行狀公以肅宗寶應元年加上柱國

廣德元年加金紫光祿大夫是年十月吐蕃寇長安

上幸陝州子儀擊却之十二月上還京師以魚朝恩

為天下觀軍容使二年正月以公檢校刑部尚書三

月進封魯郡開國公觀公自署銜及稱朝恩為軍容

者與年譜正合則知此書正當在廣德二年十一月

蓋明年夏劍南節度使嚴武死英又往代之即不復

在京矣顧寧人金石文字記不知其年列此書于大

歷之後蓋未深考耳

按米氏書史爭坐帖是唐畿

縣獄狀礎熟紙起草內小字是於行間添注不盡又

與行下空紙邊橫寫與刻本不同石刻麓存梗槩耳

又袁清容集爭坐真蹟京兆安師文嘗刻以傳世吳

中復再模刻今此二本世未之見所見惟關中刻耳

如米氏言行列已非麓存梗槩不知真蹟妙處何如

使人神往又不知安氏吳氏所刻比今關中本又何

如或曰今關中本卽安氏所刻亦未知其是否也

竹雲

題跋

書稱英又挫思明跋扈之師抗回紇無厭之請按新
史史思明陷洛陽謀掠陳蔡詔英又統淮南節度兵
賊叩陝虢又改陝西節度使而不言其破思明之功
及英又留守都史稱其無東檢御才縱麾下與回紇
兵大掠都城並無抗拒回紇之語皆與此書不合當
由失書或稱公作書時不免稍有假借爲孔子危行
言遜之義公於名義所關執論侃侃略不假借豈肯
遽於英又妄推其功如此定是史者失之耳

三稿

祭姪爲先告伯父次之論坐最後祭姪告伯皆在乾
元元年公以三月刺蒲州故九月祭姪稱蒲州刺史
十月改刺饒州故告伯父稱饒州刺史後七年當代
宗廣德二年公乃與定襄有論坐書三稿皆公奇絕
之作祭姪奇古豪宕告伯父淵潤從容至論坐則兼
有祭姪告伯兩稿之奇情緒不同書隨以異所以直
入神品足爲蘭亭後勁也

虛舟
題跋

舊唐書代宗紀廣德二年十一月丁未郭子儀自涇
陽入覲詔宰相百僚迎之於開遠門上御安福寺待
之此帖所稱興道之會正在其時魯公年譜系之廣

德二年信矣此書前一段言魚朝恩階雖開府官止
監門將軍以班列言之應序於十二衛大將軍之次
卽欲別示尊崇只可於宰相師保座南橫安一位如
御史臺知雜御史之例不當列于僕射之上後一段
言僕射是二品六曹尚書並三品非隔品致敬之類
不當擠排尚書使在下座所云裴僕射者左僕射裴
冕也尊者爲賊所偏賤誤作賊唐會要尚書左右僕
射自武德至長安四年以前並是正宰相豆盧欽望
拜左僕射不言同中書門下三品不敢參議省事數
日始加知軍國重事至景雲二年韋安石徐左僕射

東都畱守不帶同三品自後空除僕射不是宰相遂
爲故事英又除僕射時已非宰相然官品最高在侍
中中書令之上過此則爲三公三師非尋常人臣之
職故稱百寮之師長也潛研堂金石文跋尾

按爭坐位帖自宋以來摹刻者有七種一曰京兆

安氏刻本長安安師文見東坡集一曰典中復重刻本中復守永

興再摹刻一曰米襄陽臨本見寶章待訪錄一曰北京本

見彙竹一曰戲鴻堂本見畫禪室隨筆一曰嘉善魏氏本

卽半村錢翰摹本嘉善魏學濂正之學濂字子一

號內齋忠節公大中子明亡殉難著內齋集十卷
日知錄五卷蓋帖爲錢氏手摹魏氏校正一曰關
而觀妙齋金石考畧定以爲魏氏摹刻一曰關

中本

見竹雲題跋

今在西安府學碑林者卽關中本也

昶藏本南宋時榻

國初爲無錫錢陸燾湘靈所

藏字畫端勁湘靈嘗書其生年

一子並科分事實

于下則其寶貴可知矣帖中塗抹添注處如謹寓

書改爲謹奉書不其盛矣改吁足畏也然美則美

矣宰相一行坐添注與兩者臺省已下常參官等

字文武之左右添注不論二字苟以悅軍容爲心

苟以下添取字寤見聞姑息添注甚非謂也君子

愛人以禮不等字深入佛海字添注況乎收惠京

至豈獨有分子僕射哉等字西省官自爲一行兩

省下添注五品以上供奉六字十二三節三公十

二下添注衛大將軍次之六字未嘗參錯下添注

至如軍將至振古未聞等字不亦可乎下添注聖

皇時至亦不聞別有禮數等字益不然矣下添注

今旣三廳齊列足明不同刺史等字此外尙有數

處零星添注不計可見魯公當時雖信筆直書之

中仍委曲詳盡非率意爲之也文云奉書于右僕

射定襄郡王郭公新唐書郭知運傳知運次子英

父

舊傳作知字元武代宗卽位雍王率諸將討賊

洛陽畱英父殿于陝東都平權知畱守以功實封

三百戶

舊傳作二百戶

召拜尚書右僕射封定襄郡王女

云魚開府及僕射率諸軍將爲一行魚朝恩傳云

朝恩洛陽平徙屯汴州加開府儀同三司文云郭

令公以父子之軍破犬羊兇逆之衆郭子儀傳云

子儀次子晞復兩京戰最力吐蕃回紇入寇擊破

之文云苟以取悅軍容爲心軍容之爲人清修梵

行深入佛海魚朝恩傳九節度圍賊相州以朝恩

爲觀軍容宣慰處置使觀軍容使自朝恩始而不

言其修梵行始出當時宮禁尚沿崇佛之舊習朝

恩亦嘗奉之而史家所宜從略耳文云收東京有

殄賊之業守陝城有戴天之功朝恩傳云史思明
攻洛陽朝恩以神策兵屯陝洛陽陷思明長驅至
碓石肅宗詔銳兵十萬循渭而東以濟師朝恩按
兵陝東使神策將衛伯玉與賊將康文景等戰敗
之洛陽卽此事也攷之史傳多與此帖語合傳稱
郭英乂陰事宰相元載以久其權而庾卿又不爲
元載所容論事坐以誹謗不久卽有碓州別駕之
貶然則英乂得此書其以真卿之之言爲是與否
史無明文皆不可知而旣爲陰事元載之人則真
卿之被貶未始非英乂陰爲之譖已

白道生碑

碑高七尺一寸廣三尺九寸七分二十
一行行四十字正書篆額在正定府

大唐故左武衛大將軍贈太子賓客白公神道碑銘序并

朝議郎行尚書禮部員外郎翰林學士賜緋魚袋于

益奉勅撰

口議大夫行將作口口翰林待詔上柱國賜紫金

魚袋摯宗奉口口執書并篆額

淳維之地上戴斗極其氣勁悍其人口口間生將才口

我王略其有革去故俗鼎新華口口建功惟忠哉難以武

常祗戈革每襟邊陲胙土連華口口襲祉啓迪後嗣光

昭前人可得而言也公諱道生其先呼韓之宗谷蠡之

胤代居南部口入中原漢典論封特命弓高之秩周臣

赴會爰書潞子之班祖廣琛雲麾將軍左羽林大將軍

心誓北軍爪牙中壘口道口口口門有嚴父崇禮忠武

將軍左金吾衛翊府中郎將職副緹騎名雄鷁冠警於

誰何勤以夙夜公誕自口口口于干戈太公之苻如已

神授孫子之要動皆暗合心傾奉國膽略禦邊鎮在疆

場統其蕃部尋為寧朔州刺史兼部落主恩附獷俗威

除寇攘軍門罷肩虜騎遠遁開元中口安郡口口以宗

室之賢受登壇之寄每有討伐命公先鋒寇必能嘗險

不避難馘黠虜之首繫林胡之俘仍援河湟大破戎醜
數實過當議功居多一自捍邊卅餘載終于左衛大將
軍春秋六十夫積善疇慶嗣績不忘辛口繼封耿門多
將求之於代公實有焉其子朔方先鋒使同節度副使
開府儀同三司試太子賓客左武衛大將口口口口口
口口口口口勇乃絕倫忠而口力九伐之際常爲戰鋒
勞旋策勲議績當最口口口口口口口口口口口口口
口乃茂功義崇追遠口恩光照於幽口厚澤降于
重泉贈公太子賓客夫人康氏爲口國大夫人喪事官
俱有加常等以永泰元年三月廿四日遷窆于萬年縣

鳳栖原禮也口口同列千車會送更刊貞石式建豐碑
同武庫之閒樵蘇永禁比祁連之象丘隴長存銘曰
地在元朔代生良將名重關西氣雄塞上繼素金鉞遞
居玉帳戰必爲鋒居常保障粵有令子時高茂勲援戈
揮日仗劔決雲東平寇孽西掃狄氛志由忠立名以勇
聞刻茲貞石以表孤墳

永泰元年歲次乙巳三月壬辰朔廿四日甲寅建

清河張渾 魯國栗光刻字

道生系出突厥爲寧朔州刺史終于左衛大將軍以
子元光貴贈太子賓客史但云寧朔州刺史而已碑

題左武衛大將軍而文稱左衛大將軍殊不可解碑始著于京兆金石錄歐趙諸家俱未載予於京師琉璃廠市上購得之文尙完好無大漫漶而書法亦道

整可喜 潛研堂金石文跋尾

道生南陽郡王元光之父官終左衛大將軍追贈太子賓客夫人康氏爲趙國太夫人唐書元光傳以爲終寧朔州刺史者非也 關中金石記

按此碑撰書篆額皆奉勅撰者于益結銜云朝議郎行尚書禮部員外郎翰林學士新唐書于志寧傳志寧曾孫休烈休烈一子益肅及休烈時相繼

爲翰林學士益天寶初進士第不云其官禮部員

外也傳又稱天子嘉休烈父子著儒行休烈妻韋

卒詔贈國夫人 史不詳何國 葬給鹵部鼓吹是益以儒

行著也宰相世系表載益官終諫議大夫書碑

額者摯宗兩唐書無傳書譜亦不列其名攷摯

風俗通云摯疇古諸侯國也通志氏族畧或云

魯子摯之後周有摯荒漢有摯綱又後漢有摯

晉有摯虞皆最著者宗殆其裔歟碑云公諱道

其先呼韓之宗谷蠡之允代居南部口入中原

韓邪本匈奴單于見漢書匈奴置左右賢王左

谷蠡見史記則道生係突厥之族帳與白氏
帝之後出南陽望者不同系也祖廣琛父崇禮
居右職史皆無傳新唐書道生亦無專傳附見
光弼傳後白元光傳元光卽道生之子也字元光
其先突厥人父道生歷寧朔州刺史而不詳道生
之事蹟碑云開元中口安郡口口以宗室之賢受
登壇之寄每有討伐命公先鋒云云文中泐字以
元宗紀及太宗諸子傳證之乃信安郡王禕也紀
云開元十八年五月己酉奚契丹附于突厥二十
年正月乙卯信安郡王禕爲河東河北道行軍副

元帥以伐奚契丹三月己巳信安郡王禕及奚契
丹戰于薊州敗之傳稱太宗子鬱林王恪恪子琨
進封吳王琨子禕中宗時封嗣江王以繼置後門
元時亦以傍繼徙信安郡王累遷禮部尙書朔方
節度使契丹可突于叛詔拜忠王爲河北道行軍
元帥討之勅禕以副忠王不行禕率裴耀卿諸將
分道出范陽北擊二蕃破之卽碑所載宗室登壇
之事也碑云其子朔方先鋒使同節度副使開
儀同三司試太子賓客左武衛大將闕下此叙道
子元光之官也傳稱元光初隸寧朔本軍補節

先鋒安祿山反詔徙朔方兵東討元光領所部結
義營長驅從光弼出土門累遷太子詹事封南陽
郡王爲兩都遊奕使長安平轉衛尉卿兼朔方先
鋒史思明攻河陽光弼召主騎軍其後歷靈武雷
後定遠城使此元光歷官可以補碑之闕也碑云
遷窆于萬年縣鳳栖原長安志無此原名蓋失傳
矣末云永泰元年歲次乙巳三月壬辰朔廿四日
甲寅建壬辰朔則甲寅是廿三非廿四也道生父
子功績官位不甚崇顯遷窆時亦別無特恩不知
何因撰書碑文皆奉勅文無可攷

李寶臣碑

碑高一丈八尺四寸六分廣八尺八寸五分二十五行行五十五字正書

成德軍節度使開府儀同三司檢校尚書右僕射兼御
史大夫恒州刺史充管內支度營田使清河郡王李公
紀功載政頌并序

支度判官朝散大夫行監察御史王佑上

推勾官朝散大夫行太子司儀郎王士則書并篆

惟天

聖人允成

口口戲

君非臣無以化化臣非

君無以

贊贊明明

口口君臣品口口口陰陽載口口口口

州之侯或曰厚賦人 公盡人蒿焉封政不賦乃聳善
 抑惡發滯糾佚歲惠昭利□□□□□□□□□□□□
 □□易□□之□訪於定定□□文訪於深□修之文
 訪於趙趙齊之克諧五州允奉如一虜不我制 公用
 哆然惟八年□□□□□□□□□□受命 王也
 初朝義播亡係命於 公自 公歸 朝是翦厥
 翼翌日 公會 王師於□郊恭行□□□□
 □□□用勦焉時戎羯飲化爰方啓行夫戎性吝貪蔑
 煞俘軼殫寶虔劉暴骨厚厲於懷人南自相魏邢貝東
 至滄德瀛鄭□夫匹婦蕩在草莽越□ 公境宣服

公威惕惕瞿瞿攝進成序若 公在首五州之人無荒

寧風行於冀冀億之景願附 公昭請於 上上

渠下望申命用良冀人熙熙嗜化永休惟九年冬

帝念宗臣特拜右僕射端武主戎摠經外政欽

前錄典敬揚 天心繫 公德載於人人以蕃殖

異贊 三主鋪敦四凶 聖咨乃賢神

以乃祿其惟有終百才恒中耆老賈審祥 等師

言曰奸臣反常迭起東土人用逸黷始無指告惟

天眷尔下尔有 君臣公正爾有

子 公保尔有灾厲 公奠尔有稼穡 公成微

公疇依恒大地也廢曰昭茂德崇豐碑阜成於文庶永
八世克建樂石易揚頌聲頌曰

漢

君配天性配臣

君驕驕

我公為

君武臣翼贊

皇家奄有世勳大盜躑躅荒

六東鄙孔填不夷无无靡恃恒人保

公乃有父子我

涉載懲我年載登我用有孚尔無不承貞石峨峨永以

垂頌惟公之德不崩

下闕

永泰二年七月一日建

右成德節度使李寶臣德政碑寶臣降虜與田承嗣
輩創藩鎮之禍其人本不足道碑辭脅下為諛餒

不文獨王士則者僅見陶九成書譜中不甚著而書

法道勁瀟洒有李北海張從申之筆良可寶也碑在

真定御史行臺不易搨

弁州山人稿

李公者寶臣也予讀其傳每嘆屬奚附逆反覆不常

朝廷輒以偽署為真賜姓名授鐵券唐之不振至于

如此然竊計當時強藩互結不如此不足以慰來

之心招未歸之賊按碑建于永泰二年七月追頌其

功則曰壬寅歲寶應皇帝嗣位冬十一月我亞相

公忠志率東諸侯復命兩唐書無月日而代宗紀與

碑合九節度之圍相州也寶臣懼而來歸封密雲郡

公為舊書所遺新書云擢寶臣為禮部尚書封趙公又與碑異碑云授禮部尚書兼御史大夫成德軍節度使封清河郡王賜姓改名此恒州耆老賈審祥等頌之之碑立于當時必無疑誤何兩書俱不之而末載隴西郡王豈寶臣王封有二次耶抑兩書以清河為隴西耶如寶臣以五州未獻開東門納王師而止封趙公則加于密雲無幾豈足以酬其志似當以碑為正碑在今真定府公署中巋然巨碣也豈劉宋二公未之見耶

金石錄補

鎮州察院前庭有風動古碑乃李寶臣功德頌永泰

間立察院即寶臣節度理所也碑文王士則書筆法

道逸有漢人遺意絕似孟頫趙公所作因知吳興源

遠流長所本不獨二王也

隱綠軒題識

士則蓋武俊之子其署銜稱推勾官案史節度使之

屬有推官有衙推此推勾官疑即推官矣寶臣之降

唐封清河郡王唐書藩鎮傳不載却有進封隴西郡

王事然宰相世系表止稱清河郡王疑傳之誤也

潛研

堂金石文跋尾

按此碑云在真定御史行臺又云真定府公署中其實在察院署今察院廢而為公館相屢宿于此

至必摩挲是碑字之精勁如前人所言書者王上則見韓文集兄弟皆能書

王專然率用對公表出斷斷可憐王缺對之端也
讀桂書欲得王專善藝藝不盡味有義桂翻西
鳳有漢宮詩海其也其也官缺唱其官矣寶固之劉
士限蓋左對之字其善會舞舞也官案史噴與對之
數流真祖本不戰之王也
善我百萬人意意然以孟然然及祖非因映與與
間立察究明實到增與聖祖少宮文王士限書其

金石萃編卷九十四

賜進士出身 誥授光祿大夫刑部右侍郎加七級王昶撰

唐 五十四

悟臺銘

石高八尺三寸廣四尺五寸十五行行十六字篆書在祁陽縣悟溪

悟臺銘

河岸元結

悟溪東瓜廿餘寺

共三四自步

驛毛絢

凡九十尺下崗澗澗其勢囿
半山山底蒼翠澗水吐波上戶
顛勝果山巔峯巖巖山峯巖
竇向閣松竹疎曉軒戶畢間幽
奇於巖古入武臺閣與病於
時阿閣力而慈慈高臺印瞻
削山巔澗畔頂巖吟印自
陽達今東姑戶得羅峪巖蓋非
愁怨多尺好也銘曰

釋文
十五日劾
如璜知珉此銘刻山巔亦復
可香亦巖式年巖考个未亦
十五日劾

釋文
悟臺銘 有序

河南元結字次山撰

浯溪東北廿餘丈得怪石焉周行三四百步從未申至
丑寅涯僻斗絕左屬回鮮前有磴道高八九十尺下當

洞潭其勢迴澗半出水底蒼然泛若在波上石顛勝異之處悉爲亭堂小峯嵌竇宜閒松竹掩映軒戶畢皆幽奇於戲古人有畜憤悶與病於時俗者力不能築高臺以瞻眺則必山顛海畔伸頤歌吟以自暢達今取茲石將爲晤臺蓋非愁怨乃所好也銘曰
湘淵清深晤臺隋陵登臨長望無遠不盡誰馱朝士羈牽局促借君此臺壹縱心目陽崖礪琢如瑾如珉作銘刻之彰示後人

有唐大曆二年歲次丁未六月十五日記

石斯人之作非好古者不知爲可愛也然來者安知

無同好也邪

集古錄

元結次山撰晤臺銘見歐陽永叔集古錄中次山凡文多從顏尚書真卿李學士陽冰索書此篆書不知陽冰作者或自作之次山於文爾雅然不能高而愛身後名其銘亦類是昔杜襄陽碑峴首一絕頂一深澗曰吾懼千秋之後之陵谷也嗚呼古人之於名如

此兪州山人四部稿

晤臺銘元結撰篆書大曆二年浯溪銘元結撰瞿令問篆書大曆三年唐亭銘元結撰瞿令問篆書大曆三年右三銘竝在祁陽縣元次山愛祁陽山水遂寓

居焉名其溪曰浯溪築臺曰晤臺亭曰唐亭所謂三
吾者也臺銘刻在臺之後甚完整溪銘亭銘刻於東
崖石上隨石欹斜蘇厚難搨而篆筆特佳視臺銘更
勝別有黃山谷書百餘字云與陶介石披榛翦穢得
次山銘刻喜而試之又有皇甫湜五言古詩一首次
山之子讓五言長律一首

金石文
字記

右唐晤臺銘黃山谷云溪銘李康篆亭銘江華令瞿
令聞篆惟臺銘篆書無姓名又云以字法觀之亦李
康篆也

金石
存

右晤臺銘次山尚有浯溪唐廡二銘皆瞿令聞篆書

以地僻蘇厚難搨惟此銘世多有之雖不著書人姓
名當亦令聞筆也李少溫名陽冰本取木華海賦陽
冰不治之義其兄澥字堅冰皆冰霜之冰也而少溫
書名亦從俗作氷蓋由楷書借氷爲欠相承已久章
奏告身既用冰字篆書不便更易故爾

潛研堂金
石文跋尾

按晤臺之晤字與唐亭之唐字皆不見于說文臺
與亭似因浯溪得名則字體亦出次山新意爲之
凡水之以浯字得名者有三說文浯水出琅邪靈
門壺山東北入濰此別是山左之浯水若浯溪則
在今湖南永州府祁陽縣在唐時屬江南西道永

州零陵郡又今福建泉州府有浯江見陳懋仁泉
南雜志蓋同一浯字地分三處異其名也方輿紀
要浯溪在岐陽縣南五里山溪諸水匯流于此稱
爲奇勝流入湘江唐元結自道州歸愛其山川家
于此今浯溪摩崖碑結所撰中興頌也而獨不及
浯臺銘及浯溪唐亭二銘殆推搗者所不易到耶
碑題河南元結字次山撰新唐書元結傳舊書無結
後魏常山王遵十五代孫以討賊功遷監察御史
裏行佐荆南節度使呂誣判府事又參山南東道
來瑱府瑱誅攝領府事會代宗立固辭丐侍親歸

樊上授著作郎益著書作自釋曰河南元氏望也

結元子名也次山結字也云云拜道州刺史進授

容管經略使母喪請留加左金吾衛將軍罷還京

師卒贈禮部侍郎傳所載歷官止此其官道州刺

史不詳何年玩傳語是代宗卽位後之事自宋吳

曾以下多言次山愛祁陽山水遂寓居焉顧祖禹

則云自道州歸愛其山水家于此傳不言結寓居

浯溪而未云罷還京師且此碑銘序亦無家居之

語則非家于浯溪者顯然据次山集次山嘗僦居

瑞昌之瀼溪上因自號瀼溪居士有詩云尤愛一

溪水而能存讓名則次山所居者讓溪也溪在今江西九江府之瑞昌縣與永州隔遠惟其官道州時或是愛浯溪山水常來登眺因而刻銘刻頌蓋道與永相距不遠也顧氏諸說殆沿舊志之訛銘文篆書無姓名銘中書體不合六書者如涯嵌銘三字皆徐鉉說文新附字涯當作厓嵌當作欽見集韻銘當作名春官小祝注今書銘或作名既夕禮士喪禮注並云今文銘皆作名是其證也峯借二字亦徐氏所補鈕布衣樹玉云峯疑封之俗字漢書司馬相如傳云歷封巒又云論以封巒義雖不同或後人本此作峯耳封亦有高義漢書西域傳出封牛師古曰封牛頂上隆起者也集韻峯或作峯又與封之古文里形相近也借當作藉抑詩借曰未知漢書霍光傳引作籍曰又趙充國傳遣使至匈奴藉兵師古注藉借也司馬相如傳乃著書藉蜀父老爲辭師古曰藉假也溪磴礪磴皆俗字又銘文云三四百步百字竟書作白亦所未詳金石文字記云別有黃山谷書百餘字又有皇甫湜元讓二詩山谷書詩并序爲中興頌碑作見後卷湜讓二詩則未見搨本

王訓墓誌

石高二尺六寸四分廣二尺四寸二十三行行二十三字正書

大唐故光祿卿王公墓誌銘 并序

前祕書監嗣澤王憲撰 并書

公諱訓字訓瑯瑯臨沂人也

永穆大長公主之

中子昔周文授國靈王篡膺誕我太子晉晉有儀鳳之

瑞瑞流子孫粵王氏為異姓首

曾祖知道

皇贈魏州刺史祖同暉

皇光祿卿駙馬都尉贈太

子少保尚

定安長公主父繇

皇特進太子詹事駙

馬都尉贈

太傅尚

永穆長公主龍軍 一 鷓長淮

積潤文武閒出衣冠寔繁譜諒稱之豪族鍾鼎傳于不

朽 公文備四教學通六藝博聞雅量厚德高明三歲

尚輦奉御四轉至光祿卿早季娶嗣紀王鐵城之季女

也夫人尋逝有女方笄生人之哀孤遺之極後尚博平

郡主癸卯歲居鄧州別業因中風疾遂還京師 公

主馨茲上藥竭以秦醫千襲萬療月衰日羸若使經方

有敬 公亦保合于永季矣嗚呼春秋卅一大壘二季

已月癸巳奄終鳳樓之右 中使吊賙度僧尼以追

福 公主崩心震悼哀過禮經孝子郊柴毀骨立古

今未聞其季八月七日遷厝萬季縣滌川鄉滌川原之

禮也嗚呼生涯畢矣龜兆斯安青門始啓朱輅方引返
哺之聲絕矣倚門之望休焉銘曰

龍渠之右鳳城之東出原來輔卜宅叶同 山開黃壤
地列青松萬古已矣千季寔封 多才多藝惟聰惟惠
如松之盛如川之逝 陵谷將平石記爰旌長懷令德
永頌英聲

右光祿卿王訓墓誌訓字訓光祿卿駙馬都尉同皎
之孫駙馬都尉繇之子唐書王同皎傳不載其名同
皎贈太子少保繇官特進太子詹事贈太傅亦史所
未及也史稱相州安陽人而碑云瑯琊臨沂人者舉

其族望爾宗室表嗣紀王澄初名鐵誠嘗從碑作城

爲是

潛研堂金
石文跋尾

撰文者德義珣之子見宗室世系表

關中金
石記

誌言同皎皇光祿卿駙馬都尉贈太子少保今案史

但云睿宗立詔復官爵而不及贈官誌言繇皇特進

太子詹事駙馬都尉贈太傅尚永穆長公主史亦云

繇尚永穆長公主而不及歷官皆于文略也史載繇

生子潛今訓亦爲繇子訓娶嗣紀王鐵誠之季女攷

宗室世系表澄初名鐵誠語合而撰誌者爲嗣澤王

懋表惟書懋守光祿卿而已今誌仍有前祕書監亦

瀨所歷官則未之及宜依此互舉也

授堂金石跋

按碑稱訓為瑯琊人而表不載訓之本支則不與

表所列瑯琊者同系唐書王同皎傳稱為相州安

陽人必是同皎之先世遷居安陽又從安陽徙河

北與表所列皆異系而遷安陽之緣起碑傳皆未

及詳也碑云曾祖知道皇贈魏州刺史兩唐書王

同皎傳但云陳駙馬都尉寬曾孫而不載其父知

道又云子繇尚永穆公主生子潛而不及訓傳稱

潛元和中累擢將作監大和初檢校尚書左僕射

卒據碑稱訓卒于六歷二年是訓卒甚早傳所不

及載也碑云訓早年娶嗣紀王鐵城之季女尋逝

後尚博平郡主而下文云因中風疾公主罄茲上

藥及奄終公主崩心震悼此公主即謂博平前稱

郡主後稱公主所未詳也碑云遷居萬年縣澶川

鄉澶川原長安志萬年縣不載此鄉名原名惟云

長樂坡在縣東北一十里即澶水之西岸十道志

曰舊名澶坂隋文帝惡之改曰長樂坡疑澶川鄉

澶川原與澶水近也

會善寺戒壇牒

碑高四尺八寸三分廣二尺八寸八分作三層書上
牒二十六行行十六字中謝表二十四行行十字並

正書下批 答六行 行四字
行書在 登封縣會善寺

河南府登封縣嵩岳會善寺戒壇牒

清口東都白馬寺僧崇光敬愛寺僧口口

同德寺僧重進 奉國寺僧法口口

香谷寺僧口恕惠深安州龍興寺僧口口

口河南副元帥黃門侍郎平章事王縉奏口安國寺僧

乘如口前件寺戒口口供奉大德一行禪師口故口壇

口口元同律師口口創造殿宇幽口口嚴淨受戒之

所洛城推叡口口口淪殘墉院口涼更屬艱口口口

口口不有修葺口愧先賢望口前件口律僧七人住持

掃口有口口口口建方等道場常講戒律口口口

口口口安寧

中書門下 牒

牒奉 勅宜依牒至准

勅故牒

大曆二年十月十三日牒

中書侍郎平章事元載

黃門侍郎平章事杜鴻漸

黃門侍郎平章事王縉

兵部尚書平章事李使

檢校侍中李使

檢校右僕射平章事使

中書令使

沙門乘如口伏奉去十月十三日

恩命於河南府登封縣嵩岳口口常建戒壇恭抽口

律七僧灑掃講律者

湛恩自天祖荷無地沙門乘如誠歡誠喜載欣載

躍嵩者口口之口戒者萬行之首非口口岑口口詣茲

希口會善戒壇口口口登其封口遺塵口口其受必

口口口比為碩德口口口口毀觀者與黍離之歎口

之增涕殞之悲

陛下駐佛日之傾布堯雲之澤

抽僧灑掃設壇講律雷音永震更乎萬歲之口聖壽無

疆弥極九天之峻不任戴荷之至謹詣右銀臺門奉表

陳謝以聞沙門乘如誠歡誠喜謹言

大曆二年十月口日安國寺沙門乘如上表

戒分律儀釋門宏範用申獎導俾廣勝因允在嚴持煩

於申謝

會善寺門之右有大曆二年中書門下牒其下勒代

宗手敕二十四字無一筆蝕者袁宏道嵩遊記

碑文雜字本當作準宋周必大老堂雜誌曰敕牒

準字去十為隹或謂本朝因寇準為相而改胡三省通鑑注

亦云本朝寇準為相省吏避其名凡文書準字皆去十後因而不改又云曾公亮蔡京

父皆名準而避其實不然予見唐告已作隹又考五

代堂判亦然頃在密院令吏用準字既而作相又令

三省如此寫至今遂定今據大歷時牒已用隹字則

知此字自取省等廣韻二字並收隹字下注曰俗然

管子書準字皆作隹莊子平中隹文子放隹循繩隹

南子眇者使之隹王褒洞簫賦夔襄隹法皆用此字

緯書有洛書靈隹聽京房造隹形如瑟十三弦郭忠

恕佩觿集曰字林用隹為平準之準字林呂忱作而後魏

仇儒為趙準造祆言曰燕當傾趙當續欲知其名隹

水不足北史長孫肥傳則隹字之來久矣又按宋順帝名準

故沈約宋書平準令王準之皆作隹然管莊諸書亦

豈因此而改乎金石文

碑刻會善寺後僧苦於求搨凡石上會善寺三字皆

椎去棄之寺西荒草中傳太常物色得之仍立戒壇

之左又按書史稱代宗留心翰雲於行書益工論其

筆力非有太宗元宗超邁之氣然亦有足觀者此敕

為行書矜嚴圓穩固自可珍嵩陽石刻記

大歷二年十二月會善寺僧沙門乘如因請允抽束

...

...

...

都白馬等寺七人赴戒壇灑掃講律具表稱謝帝手
敕二十四字荅之碑陰刻陸長源戒壇記陸郢書八
分迥逸多態說

劉昫唐書王縉傳云縉與杜鴻漸捨財造寺無限極
初代宗喜祠祀未甚重佛而元載杜鴻漸與縉喜飯
僧徒代宗嘗問以福業報應事載等因而啓奏代宗
由是奉之過當漢述其弊又云故大歷刑政日以凌
遲有由然也又云其傷教之源始于縉也今此奏牒
正是作俑之証劉昫良史防微杜漸之言豈不信而
有徵哉中州金石記

按碑稱抽東都白馬寺僧某敬愛寺僧某同德寺僧
某奉國寺僧某香谷寺僧某白馬敬愛見寺觀其同
德奉國香谷三寺今不可考河南府志

按會善寺牒頒于大歷二年十月十五日後列使
相銜名前三人皆具姓氏曰元載杜鴻漸王縉後
二人皆曰李使但有姓而無名又二人但有使字
不著姓所謂使者大抵居相位而出使在外者也
以唐書宰相表考之大歷二年但云六月丙戌鴻
漸自劔南追至不載他人拜罷之事更追其前元
載之同中書侍郎平章事實應元年建辰月始也

杜鴻漸之爲黃門侍郎平章事始于大歷元年十一月其時卽兼成都尹充劔南西川節度副大使至二年六月自劔南追入朝也王縉之爲黃門侍郎在廣德二年正月然是年八月持節都統河南淮南淮西山東道行營節度使永泰元年爲河南副元帥此後不云入朝而牒則仍列其名不在使內其兵部尚書平章事李使者疑是澤潞節度使李抱玉爲司空兼兵部尚書乃廣德元年事檢校侍中李使者疑是河東節度使李光弼其官侍中始于乾元元年八月檢校右僕射平章事使疑是朔方行營節度使僕固懷恩其官右僕射始于廣德二年八月表作左僕射或訛也中書令使疑是朔方節度使郭子儀其兼中書令始于乾元元年八月碑中銜名可考者如是碑云謹詣右銀臺門奉表陳謝以聞長安志禁苑內苑章載東內苑南北二里與大明宮城齊東西盡一坊之地南卽延政門北卽銀臺門東卽太和門不云右銀臺門据元稹詩當年出入右銀臺每怪春風例早迴又李商隱詩右銀臺路雪三尺鳳詔裁成當直歸是皆有右字與碑合据碑右銀臺門可以奉表陳謝則

當時必設專司進奏之官而職官志無文殆史略也

三墳記

碑高六尺四寸四分廣二尺八寸兩面刻
共二十三行每二十字篆書在西安府學

光澤與山乎日

曙卿字華名齊中丞廟諱口樂不易繼符即

徽乾嗣繼家而超譜考神蘇植也口

魏博也口文於始譜祇書正字授司儀

騎曹轉新口尉家燭未事立信也示也

禮澤論未撰本仁也示也義德長庚尉

直京師浩纓口賦曹蔡斯可立斷氣口

見氣在趨普安郡戶務賄古樂府廿四

章在史韋良嗣繼也何文彙十卷

口泉字曼天易瑋瑋口文蔚譚度標

繼弱嗣也叩口觀國在廣弓真鄉二尉

魏寧崔公泗相國曾公口口中繼策

上逢等嗣也宮游高山鐘賄也口

口繼也滿鑪沸鼎火半故巨駟曾赫家

神止靈問口口口未子詞久珍也轉金

城尉曹受蹶更不敢口口口口口繼於

於齊

口 嶽 寧 榮 實 稟 秉 立 於 穆 而 瑕 初 家 擗
 靈 昌 王 薄 之 五 歲 川 南 寧 李 公 彭 季 尚
 其 文 翰 留 朝 号 簿 昔 潘 祖 斐 滋 煥 翊 奇
 塾 醞 深 補 昔 暇 記 勝 數 瓦 土 得 滌 上 豐
 成 賦 久 斯 于 今 類 文 彙 百 一 十 二 篇
 為 戲 三 莽 書 多 普 閑 足 也 亦 學 繼
 葉 瑤 瑤 產 也 終 固 合 章 紀 粹 粹 也 吳 寧
 生 德 寧 受 封 福 謹 諭 强 仕 以 講 陰 當 帝
 聖 一 紀 三 墳 相 如 矣 其 歌 職 評 也 通 占

占 香 詔 權 曰 霸 陸 故 堂 藝 不 違 禁 周 于
 而 家 歲 攝 提 楮 圖 貞 賜 上 元 祿 大 墳
 三 墳 以 東 南 燕 伯 仲 叔 卿 也 晉 鳳 亦 然
 大 廟 諱 園 元 山 明 孝 於 斯 邪 日 魏 夫 深 漢
 燕 陸 也 沙 陽 焉
 香 嶽 錄
 陽 然 書
 卓 峯 勢

先侍郎之子曰

曜 卿 字 華 名 世 才 也 嚶 口 樂 易 機 符 朗 徹 既 冠 遭 家 不
 造 諸 季 种 藐 植 之 以 口 藝 博 之 以 文 行 始 調 祕 書 正 字

授右衛騎曹轉新口尉豪猾未孚立信以示之禮浮窳未復本仁以示之義領長安尉直京師浩穰口賊曹繁劇有立斷焉口見焉左遷普安郡戶祿賦古樂府廿四章左史韋良嗣爲之敘文集十卷

口卿字萬天骨琅琅德口文蔚識度標邁弱冠以明口觀國莅鹿邑虞鄉二尉魏守崔公泗泊相國晉公口口甲科第之進等舉之嘗遊嵩少夜聞山鐘賦云口口繼也洪鑪沸鼎火半死巨豁重林風稍止無閒口口口未已詞人珍之轉金城尉曹無受謝吏不敢口口口口卷行於世

口卿字榮實粟柔立於穆不取起家拜靈昌主簿己丑歲小冢宰李公彭年尚其文翰署朝邑簿時漆沮決溢馮翊昏墊醜渠榷菑股弛脉散下土得漑上腴成賦人到于今賴之文集百 十二篇烏戲 三英孝友曾閔

儔也文學繼 業瑋碧產也純固含章杞梓材也吳穹生德宜受封福僅逾強仕以講陰堂未盈一紀三墳相比思其咎職訊之逢占占者邵權曰霸陵故塋葬不違禁害于而家歲攝提格迺貞陽卜而耐 大墳三墳以

東南爲伯仲叔地之若鴈行終大禱建元之明年於斯刻石恐夫溟海爲陸老沙防焉

季卿述

陽冰書

栗光刻

按此碑為李曜卿兄弟三墓其人皆有文學早仕宦而不壽以歿最少弟季卿撰表而宗人陽冰以玉筋刻之也其石猶故物故無傳改之譌兗州續稟

此季卿表曜卿三墓陽冰書碑雖無翻刻字字畫法具而神亡似與前碑同陽冰顏魯公家廟碑書作陽

冰

石墨鐫華

元吾邱衍謂陽冰即杜甫之甥名潮取海賦陽冰不

冶之義為字既以字行乃別字少温楊用修嘗辨其

非按陽冰趙郡人太白從叔其字少温見於宣和書譜與其名相應若名潮而以陽冰少温為字於義

皆無取且陽冰工篆書潮江八分觀趙氏金石錄載城隍神祠記忘歸臺銘孔子廟記先塋碑三墳記等為李陽冰篆書而慧義寺彌勒像碑彭元曜墓誌為李潮書則其非一人明矣今人讀陽冰

為陽凝非也按文苑英華有林滋陽冰賦戴侗六書

故曰說文久凍也冰水堅也俗作凝孫氏魚陵切說

文蓋以冰為凝按久於隸楷不能獨成文故後人加

水焉凝之从水無義當從今文金石文

篆書自秦漢而後推李陽冰為第一手今觀三墳記

運筆命格矩法森森誠不易及然予曾於陸探微所

畫金滕圖後見陽冰手書遒勁中逸致翩然又非石

刻所能及也

庚子銷夏記

金石錄卷九十四
右唐李氏三墳記李陽冰書與李氏遷先塋記同在
今西安府學皆大歷二年建先塋記有宋人重開歲
月此碑無有說文禮從豐篆作豐豐篆作豐隸楷
皆同而篆文迥異陽冰上李大夫論古篆書云蔡中
郎以豐同豐秦丞相以束爲束魯魚一惑涇渭同流
此碑立信以木之禮禮字反若從豐何也古者官有
掾屬掾字從象從手其從木者屋上椽也碑云左遷
晉安郡戶掾字乃從木二字不當通用蓋因字形近
下筆時偶誤耳不然陽冰不當使別字也又股肥脈
散肥卽引字當是曲其直以取勢耳若從弓從巳則

無此字矣劉禹錫高陵令君遺愛頌有股引而束句

與此義同

金石存

文有云下土得漑者用宋玉九辯文也漑玉篇以爲
卽古文乾字以講陰堂講從菁聲與搆字通史記漢
書凡媾解字多作講亦是也豁字見魏張猛龍碑及
周華嶽廟頌嵩少字應卽用崇見于漢書而竟作嵩
劇甚字應用勦見于漢隸字原而竟作劇獵字應從
允作媾而從犬作獵禮字應從豐作禮而從豐作禮
徹字從青作徹斷字從劉作斷焯字作焯執字作藝
昇字作吳皆其不合于六書之正者也又說文無第

字只作弟而孔穎達正義引以為從竹從弟說文無
苙字只作隸故鄭康成注儀禮每讀位為苙此竟有
第字苙字蓋後人隸寫之譌而以之作篆則尤謬也

關中金
石記

右三墳記碑末無重開年月而字畫更明顯筆力似
較弱蓋開鑿又在前碑之後也文云下土得澆上腴
成賦說文無澆字蓋用楚辭后土何時而得澆語又
云僅逾強仕以講陰堂後漢書周磐夢見先師東里
先生與講于陰堂之奧既而長歎其月無病忽終記
蓋用此事也吳當從弁而碑從天壑當從叔而碑從

豁疑翻刻之譌 啓研堂金
石文跋尾

右唐李氏三墳記凡二碑中俱有半截裂紋第一碑
左角斷闕下脚微闕凡全闕者十四字半闕而猶可
辨識者七字末行吏不敢以後文氣未盡隱躍尚有
八字右旁痕迹可辨者四字趙明誠金石錄祇載其

目 碧溪
文集

按記為李季卿所述季卿在大歷中宣慰江南語
見新唐書陸羽傳而未詳其先世所謂先侍郎者
不知何名三墳惟長曰曜卿其名全次二人皆闕
上一字兩唐書傳無曜卿等兄弟四人之傳下碑

拓先塋記又不復述三墳之名碑稱曜卿賦古樂府廿四章韋良嗣為敘文集十卷次口卿游嵩少聞山鐘賦詩亦有集若干卷行世又次口卿有文集百一十二篇稽諸兩唐書經籍藝文皆不著錄全唐詩不載李曜卿而有李子卿李幼卿二人皆大歷間人此三墳皆卒于天寶十年以前其非此二人明矣碑為從子陽冰篆書其不合說文者曜卿之曜當從火作耀而從日种貌之种依尚書當作冲而從禾豪猶之獨當從水作滑或從允作魁而從大皆非也藝字亦說文所無徐鉉以為俗書譌謬不合六書之體本只作執後人加艸云義無所取而碑中竟書作藝陽冰不講六書大率如此其餘灑壘崇劇第莅等亦皆俗字已詳潛研閣中諸跋不贅論焉

拓先塋記

碑高六尺八寸三分廣三尺三寸十四行行二十六字篆書在西安府學

拓

先塋記

因考先塋記拓先塋記

先塋記

夫徐尚高口滿泉單關歲十

光夫入合祚不玷致元我山池
 也商闕五六季冲也安而四三季村也
 安局甲日青甲甲木陳其丰而鴉其靈
 查謀及垂策謀及鬼福懋方士詔權編
 還管朝山譜塔日靈岸靈靈密土地矣
 干濕冥之禁指會中散空是用口叶矣
 地其原為福恭之請損三之辭三日損
 尋辭緩吉觀是靈圖口上詔城在口口
 司惟茲會格上澹水第焚此風木惟餘
 會新上雷連山南能平峒口口坤勳山
 宜麟而鴻之池氏冲氏叔氏三壇歸德
 攝提格章四冲向口口靈輻以歸靈
 藏之在靈藏金玉惟拜書光也也
 異昔劫口三百篇之靈中川宗池賈公
 聖靈之叙口上澤惟幽明錫類口口
 詔贈黃門侍郎昌會禮部尚書
 口口清河郡內夫久口口版未篆
 皇命大尊惟一物亦魚石

嗣口口口詠

從子陽冰書 卓炎亦

釋文

栖 先瑩記

粵烏虜昔蒼龍大泉獻遭家不造

先侍郎即世

建瑩霸陵遺令也先大夫徐公高口備矣洎單闕歲十

有一月

先夫人合祔天祐改元我之伯也卒閒

五六年仲也卒不四三年叔也卒君子曰李氏子天假

其才不將其壽蓋謀及龜策謀及鬼神歟方士邵權徧

得管郭之道喏曰霸岸鑿龕容土垠矣干温冥之禁非

窳窳攸宜是用口叶永地其原鳳栖筮之遇損三之解

三曰損孚解緩吉孰甚焉輶口卜郟城左口口右惟茲

食枚卜澹水東樊水西亦惟茲食新卜瑩連山南佐平

峒口口坤勢之宜隧而順之伯氏仲氏叔氏三墳陪側

攝提格辜月仲旬口口 靈輜以降壽藏有血無藏金

玉厥惟琴書 先志也異昔述口三百篇永泰中小宗

伯賈公至為之敘 上澤悅幽明錫類口口追贈黃

門侍郎申命禮部尚書

口口清河郡太夫人口口口版未篆 皇命大臯惟

二刊刻貞石

嗣口口口述

從子陽冰書

栗光刻

是鉅唐李監陽冰書以其年代寤遠風雨昏潰字

體不完讀者斯泥遂有吳興姚宗萼筆意率好古者
數人同出刊刻之費闕威安璿重開所貴名賢筆跡

傳諸不朽時大中祥符三年九月十四日畢功助緣

僧智全 僧審疑 僧省中 僧靜已 僧文遇

勾當人鄧德誠

此李氏卜葬李曜卿兄弟三人而弟季卿記從子陽

冰書卜地人為邵權記云徧得管郭之道管謂公明

郭則景純也書王筋經大中祥符間翻刻故不及縉

雲碑石墨 鐫革

右唐李氏遷先塋碑經宋大中祥符間重開今復剝

落白清河郡太夫人以下支多不可卒讀 爾雅歲

在亥曰大淵獻此碑書作泉獻避高祖諱也唐堯公

頌碑亦書顏回字為子泉客土垞矣垞字字書不載

疑是耗字重開時譌末為土也金石存

陽冰書結體茂美而多乖于六書之義然蔡邕石經

已多別體豈書家多不究小學耶文中若寧從案碑

作粵高從口讀如碑下口從口口舌豈碑作龔龔從

含碑省從合棲或作西碑合作栖樊中從爻碑從夕

佐古只作左碑加人岡碑譌作峒勢古只作執見漢

書碑加力宜從夕碑從冎隧古只作隊見竹書穆天

子傳碑作隧輻碑作輻藏古只作臧詩中心臧之先
 儒有藏臧二義碑作藏悅經傳多作說碑作悅版加
 作版皆詭于文字之正若泉作泉借泊字為之改從
 已借殺改字為之寶作瑤案瑤字見竹書穆天子傳
 玉篇引聲類亦曰古文瑤字此或古人省文借字之
 法猶未大失也篆者聖人不虛作非可依隸以造昔
 徐鉉作說文新附識者多譏其謬獨怪陽冰自言斯
 翁之後直至小生又欲求刻石經立于大學而不究
 小學如此倘任鴻都之役未見其勝于張參唐元度
 諸人也

關中金
石記

右李陽冰書遷先瑩記說文改更字从戊己之己殺
 改字从辰己之己徐鉉引陽冰說謂已有過支之即
 改而此碑書改元字卻从己不从己秦詛楚文改亦
 從己蓋二文可假借也坻字說文玉篇廣韻集韻俱
 不載惟家語執轡篇息土之人美坻土之人醜注坻
 耗字此少溫所本矣敘說文从支此與三墳記俱从
 又泉即泊字水當在左旁變文居下

潛研堂金
石文跋尾

按此碑述者名全泐石墨鐫華以為李卿据三墳
 記為李卿述首稱先侍郎之子云云此碑亦有先
 侍郎即世之語則其同為李卿所述固無可疑碑

云天寶改元我之伯也卒天寶以壬午年改元則其前云蒼龍大淵獻是開元二十三年乙亥歲前云先侍郎卽世又云先大夫徐公此先大夫未詳何謂也下云單闕歲先夫人合祔是二十七年己卯也伯之卒在合祔後四年又其後十年之間仲叔俱卒卽前碑二墳者是也霸岸鑿龕客土坵矣此是形家之言龕與堪適今俗用礪字太平寰宇記灞岸在通化門東三十里霸崖鑿龕有傷地脈此云客土猶形家謂之來龍也土坵則脈傷而地者禮魄不安矣溫冥之禁未詳以臆度之溫收室閉而煖冥有幽冥之義皆謂墳穴也又云攝提格幸月攝提格者寅年也當是壬寅年仲叔之卒在天寶十一載壬辰又越十載爲寶應元年幸月十一月也以壬寅十一月柩葬也碑云異時述口三百篇永泰中小宗伯賈公至爲之敘此必是其先侍郎所作之詩也唐書賈至傳至之轉禮部侍郎正在永泰二年未改大歷之前惜不知其集名無從考矣碑今在西安府學不知當時從何處移來碑有其原鳳栖之語則其先塋在今咸寧縣鳳栖原長安志云少陵西北三十里皆此原雍大記柳

宗元爲伯妣志曰葬于萬年之鳳棲原在唐時爲萬年縣安化里以碑當立于此處今碑移而墓亦不可考矣碑爲宋初威安縣重開而助緣者皆僧名想宋時李墓尚存墓旁當有僧寺爲之守護諸僧皆住寺者也

顏魯公祖關二大字

字徑三尺許隸書後有翁覃谿跋并七言古詩共二十三行行二十一字正書在吉安府

禮關

右禮關二字顏魯公八分書寺舊有魯公題名今惟存此二字耳青原志載汪舟次與寺僧書云祖作禮

非傳寫之誤必有原委寺僧荅云祖古作禮八分取以相配若此二字上石後落永泰年吉州司馬欵此山光千丈矣据此則今所傳木刻後有天寶十四年平原太守欵者訛也天寶稱載不稱年且如果是天寶年題則寺僧與舟次札內何以云欲落永泰年欵乎其爲後人妄加可知也但此二字實出魯公手魯公八分惟見東方贊題額未有如此之大者誠至寶也祖字作禮漢宗俱孔謙曹娥諸碑皆如此至於魯公題名年月則寶刻類編云魯公爲吉州別駕題名吉之淨居寺大歷二年十月題此其確可据者故爲

考其大略而系以詩西江魯公題石二其一丙午匡
廬陰此題明年孟冬月大書尚記黃李尋八分爰業
更雄峙勁勢獨出無古今後題不存存僅此始覺禪
境尤清深少陵雙峯得門否曹谿一滴誰嗣音後來
姚江講學派亦假題識言欽崇宣城老子執陳迹未
會松竹高邱吟亦如寺僧與汪子商略補刻爭墓臨
世間忠孝眞仙佛正氣耿耿雷精忱森然魄動仰星
斗何必更訪東西林區區歲月那足較兩字已重千
球琳旌旗歌舞照千載文山黃李猶同岑嘉客來遊
偶然記雲泉相印太古心松門風起衆山響天籟聲

荅爰山琴乾隆五十二年歲在丁未冬十二月北平

翁方綱

誥授光祿大夫刑部右侍郎加七級五品

按青原志云上石後落永泰年吉州司馬欵寶刻
類編云魯公爲吉州別駕大歷二年十月題此舊
唐書顏眞卿傳以誹謗貶硤州別駕撫州湖州刺
史不載吉州別駕之官新傳則云貶硤州別駕改
吉州司馬遷撫湖二州刺史眞卿之刺撫州在大
歷三年則改吉州司馬當在二年若永泰年其時
宜初貶硤州未改吉州似寶刻類編較確也惟吉
州別駕或寶刻傳謔當從傳作司馬耳祖之作禮

漢碑多有之孔謙碣禮述家業正與此同司空宗
俱碑禮父司隸校尉筆法大同小異顧藹吉云玉
篇禮與詛同碑以為祖字孝女曹娥碑其先與周
同禮亦以禮為祖蓋有自來也然則汪舟次與寺
僧問答之語似亦所見之不廣矣

錄式碑

晉交山琴彈劉王廿二年歲在丁未冬十二月廿

金石萃編卷九十五

賜進士出身 誥授光祿大夫刑部右侍郎加七級王昶撰

唐 五十五

會善寺戒壇碑

碑高三尺一寸廣約二尺九寸作兩截書上截廿
六行行十六字下截廿四行行十字正書在登封

河南府登封縣嵩岳口口寺戒壇碑

請抽東都白馬寺僧崇光敬愛寺僧口口同德寺僧重

進 奉國寺僧法口 香國寺僧從恕惠深安州

龍興寺僧口口

右河南副元師黃門侍郎平章事王縉奏得安國寺

僧乘如狀前件寺戒口口供奉大德一行禪師口故
口壇口口口同律師口口口口殿宇幽閑口口口
受戒之口口城推最口口口口口墻院荒涼更屬艱
難壇口摧口不有修葺竊愧先賢望於前件口律僧
七人住持口口有關口填口口建方等道場常講戒
律庶口口聖口國土安寧

中書門下 牒 奉 勅宜依牒至准 勅

故牒

大曆二年十月十三日牒

中書侍郎平章事元 載

黃門侍郎平章事杜鴻漸

黃門侍郎平章事王 縉

兵部尚書平章事李 使

檢校 侍中 李 使

中 書 令 使

沙門乘如言伏奉云十月十二日

恩命於河南府登封縣嵩岳口口口常建戒壇兼抽持

律七僧灑掃講律者

湛恩自 天祗荷無地沙門乘如誠歡誠喜載欣載

口口者口口之口或者萬行之首非絕口岑口口詣茲

□□會善戒壇□□□登其封杳遺塵累躋其□必
□□□比為碩德湮沉虛迹□毀觀者興黍離之歎□
之增涕殞之悲 陛下駐佛日之傾布堯雲之澤抽僧
灑掃設壇講律雷音永震更呼万歲之口 聖壽無
疆彌極九天之峻不任載荷之至謹詣右銀臺門奉表
陳謝以聞沙門乘如誠歡誠喜謹言

大曆二年十一月 日安國寺沙門乘如上表

扶風夫子廟殘碑

碑不全僅存一石高廣俱一尺五寸許共七十一字正書今在華州

關 司員郎琅邪顏真卿書

關 書都官郎中東海徐浩

天地吾知至廣也以其無所不覆載日月吾知其至明也以其無所不照臨江海吾知至大也以其無所不容

納料廣以寸管測 景以尺圭航大以一葦廣不能逃其

數明不能私其質大不能 亡其險偉哉夫子後天地而

生知天地之始先天地而沒知天 地之終非日非月光

之所及者遠不江不海潤之所浸者博三代 禮樂吾知

其損益百王憲章吾知其消息君臣 以位父子以親家

國用 肥鬼神以享道未可詮其有物釋未可證於無生

一以貫之我先師夫子夫子聖人也帝之聖者曰堯王

之聖者曰禹師之聖者曰夫子堯之德有時而息禹之
功有時而窮夫子之道久而彌芳遠而彌光用之者昌
捨之者亡昔否於周今泰於唐不然者何被袞而裳垂
旒而王者哉扶風古縣也在京之西環渭之北望標關
輔之首雄壓劇秦之火有尉曰袁弁者學吞漢臺賢負
伊鼎文則變雅行乃矩物其爲政也剛以斷其理身也
柔而立迥大君之清問動賢相之精選蚤奉詔旨廓新
祠宇廟閭岑立宮牆鳥趾躡先師於兩楹羅亞聖於十
哲砌蘭有主院柏分行徂庭自肅入室加敬陳牲牢而
如在間籩豆而無算天下大軍之後也時弊而沒禮域
中小康之前也俗媮而迷歸俯飾以戢兵設義而銷戰
使人從善遠惡而不自知大哉袁氏之子其用心也至
矣邑宰李公才思練達政心和理風聲樹於丕變毗頌
樂而不支縣丞主簿尉等琅琊王畿黍稷公器覽容色
窺相公之明鏡整髻鬢趣相公之龍門雲霄坐馳鳴躍
可俟浩自帝鄉薄遊鳳翔入境而醉聞佳政告歸而殮
味尤績前尉許贊起予能事春秋之徒如何勿書時大
歷二年某月日記

此文載于唐文粹爲扶風縣文宣王廟記大歷二年
駕部郎中程浩文而今西安府學有曾夢英書此一

記其文正同但去扶風古縣也以下半篇其跋云此
記刊石元在湖州臨安縣夢英愛而書之豈駕部先
作此於扶風魯公又書之於湖州而去其半篇耶又
考唐地理志臨安縣屬杭州不屬湖州得非夢英之
誤耶今華州有此殘碑數十字其文同金石文
字記
此文浩以大歷二年作于扶風魯公會書此于湖州
華州有之非也疑後人偽作關中余
石記

按此碑文五百四十餘字今存者連銜名祇七十
一字文存十之一耳檢唐文粹刻本此文錄補
成篇文粹載此文題曰扶風縣文宣王廟記撰人
爲程浩今碑題與程浩名俱不存但存顏真卿書
及徐浩名徐浩必是篆額者也唐書地理志扶風
縣屬關內道鳳翔府扶風郡武德二年初置梓川
縣貞觀八年更名扶風然碑又云扶風古縣也在
京之西環渭之北扶風爲貞觀改名不得爲古若
扶風之名莫古于漢卽鳳翔府爲漢右扶風地自
隋以來謂之扶風郡今以縣爲古乃文之失實者
云在京之西謂至德二載號鳳翔府爲西京也顏
真卿結銜存司員郎三字以本傳考之真卿之爲
武部員外郎在天寶初年此後未嘗官員外然此

文末題大歷二年文粹所載要非無據未敢斷以爲誤也程浩無傳可考篆者徐浩碑存其銜曰書都官郎中徐浩傳載浩歷憲部郎中在安祿山反之前則亦是天寶十四載以前之官而未嘗爲都官郎中文盛稱扶風縣尉袁邦贊奉詔旨建文宣王廟奉先師及亞聖十哲像而令丞簿皆牽連及之則興建之功獨在尉矣文云浩自帝鄉薄遊鳳翔則此文專爲扶風縣之文宣王廟而作魯公不應又書之于湖州至湖州之無臨安縣與杭州臨安縣之現無魯公書此碑皆屬夢英之誤記又不足深論總之此碑文爲程浩作固無可疑其書碑篆類結銜與作文之年不合當必有傳刻託名之誤而碑在華州則或是殘石易于轉徙未可知也

義琬禪師墓誌

石高廣皆二尺許二行行廿一字正書在洛陽乾元寺

唐故張禪師墓誌銘

并序

香山禪師諱義琬字思靖俗姓董氏河南陽翟人紹嵩岳會善大安禪師智印法歲廿七世齡五十九開元十九年七月十九日長天色慘塞樹疑霜頂白方面赤方石肱枕席左臂垂膝言次寂默奄魂而歸舉體香軟容

華轉鮮感瑞嘉祥具載碑錄師未涅槃先則靈記吾滅
度後世年內有大功臣置寺度遺法居士為僧卅五年
後焚身留吾菓園待其時也果廿八年有文武朝綱口
國老忠義司徒尚書左僕射朔方大使相國郭公上額
於居士拜首受僧奏塔梵宮勝軋元寺法孫明演授禪
父託葬祖黃金述德於中書令汾陽郡王郭公微

天請号焚葬借威儀所由檢校大醫三年二月汾陽表
曰義琬禪行素高為智海舟航是釋門龍象心超覺路
遠近歸依身歿道存實資褒異伏望允其所請光彼法
流其月十八日 勅義琬宜賜諡号大演禪師餘

依擇吉辰口月十九日茶毗入塔今卅載無記不從大
禪翁也行慈悲海得王髻珠施惠若春研芳吐翠破邪
寶劍見網皆除業為學山萬法包納練行凝寂方能動
天塔磨青霄砌下雲起星籠月戶面河背山清淨神靈
庶幾銘曰

行破羣邪 業為學海 戒月青空 心珠自在
塔面長伊 鈴搖岳風 動天威力 無住無空

碑述中書令汾陽郡王郭公表義琬禪行素高勅賜
諡號大演禪師邾字作脉以艸體為楷書也 中州金石記
按河南通志乾元寺在河南府城西南三十里魏

時創建昔在伊闕東山之嶺明嘉靖間遷於山麓
碑云法歲廿七世齡五十九法歲猶言僧臘世齡
猶言世壽皆窺見此碑又云頂白方面赤方右肱
枕席左臂垂膝此述禪師示寂之象禪師之榻向
南而設其卧向東頂白方者首在西也面赤方者
面向南也釋氏云寂以右脇爲上故右肱枕席則
其面向外而南是側身而逝也他碑述高僧示寂
但言右脅而已未有若此之詳盡者禪師臨終有
滅度後三十年內及三十五年後之語果於二十
八年有相國郭公勝乾元寺大歷三年二月汾陽
表請賜號大演禪師按禪師以開元十九年示寂
越二十八年爲肅宗乾元二年三十五年爲代宗
永泰二年其云司徒尙書左僕射朔方大使相國
郭公勝乾元寺此郭公卽郭子儀唐書子儀傳是
年畱守東都寺僧始以額請也至永泰二年則吐
蕃寇醴泉子儀方屯涇陽與吐蕃戰自無暇爲禪
師表請賜號据碑載大歷三年二月汾陽表詞則
距禪師之寂三十八年傳載是年三月子儀還河
中則二月方自涇陽入朝宜有表請之事也碑下
文有四十載無記之語是約畧之詞其實三十八

年正與三十五年後之語合也乾元寺榜題于乾元二年未有此榜以前不知此寺何名通志但云魏時創建不云何寺此碑首云香山禪師豈香山是寺名耶

趙叡冲碑

碑高七尺一寸五分廣三尺八寸十九行行四十二字隸書

唐故同州河西縣丞贈虢州刺史太常卿天水趙公神道碑 并序

尚書兵部郎中安陽邵說撰

左衛率府兵曹參軍集賢殿待詔瑯琊王瑀書并

篆額

惟天水趙公諱叡冲公惟隋員外散騎常侍平東將軍渭源公顯和之驪孫開府儀同三司博州刺史在立之曾孫 皇朝監察御史君煦之孫統王府法曹參軍徵之子自渭源四代咸著清德洎公纂承嘉聞益彰志業貞簡形儀朗異以孝友謹敬協柔昆弟以義禮誠純接奉朋交文蔚行茂顯于當世 天后時應明堂大

禮科 上異其對授陝州陝縣尉轉汾州平遙尉嘗劇之地以幹敏稱秩滿從調吏部侍郎蕭至忠以公所試超等授大理評事公迫於祿養請署同州河西丞贊貳

其政毗輯吏肅劇賊遁逋伏姦不興縣六百石郡二千石皆受成仰辨而已道長運速奄忽遷殂以景雲二年冬十月二旬有一日終于縣館享年五十二及夫人平陽敬氏卒以開元廿四年四月廿一日合祔于虞鄉縣五老原初公寢疾告其二子良器良弼曰吾祖成季宣孟忠勳炳著迨漢吏部尚書融晉黃門侍郎龔亦能勦攘寇難捍衛王室二祖皆為河東守子孫因徙家焉由魏歷隋位與嘗昇爾後仕唐三葉而未登吉祿以吾祖宗之福豐慶演固不當湮抑淪廢意爾曹爾嗣其將必有達人洎公卽世適卅歲而良器官至中書舍人未五十歲而良弼官至陝州等七州刺史御史中丞浙東嶺南兩道節度使太子賓客

麟宗朝以嗣子參掌綸誥追贈公豳州刺史夫人平陽郡太夫人

肅宗朝以次子節制方面累贈公太常卿 今聖

踐極嗣孫密邕薰復縱袞等咸擅才業宦成三署竟如公疇昔之所識於戲趙氏再世昌茂克大其門皆魏州祇奉先軌貽裕後續仁積訓深之所致也宜其誕受光飾享茲徽章啟篆石立表紀旌風烈銘曰

德積於微業成而彰先時蹇舛靡羨其昌於烈趙公亶惟貞良砥修行學顯茂家邦施子及孫再世以光登

朝就烈佩玉鏘鏘 澤游本根沃潤黃腸有苾遺風久
逾馨香於斯篆刻裕美無疆

大曆四年歲在己酉五月戊辰朔十五日壬午建

按趙叡冲兩唐書無傳撰人安陽邵說題銜曰尚
書兵部郎中舊唐書傳說舉進士爲史思明判官
史敗說降于郭子儀累授長安令祕書少監遷吏
部侍郎太子詹事新書文藝傳惟不載侍郎詹事
官餘與舊傳同而皆不云官兵部郎中傳之畧也
書篆者王瑀無攷碑敘叡冲先世云顯和之元孫
世立之曾孫君照之孫徵之子不云高祖某曾祖

某祖某父某也隋唐書亦無諸人傳碑云天后時
應明堂大禮科兩唐書選舉志皆不載此科目天
后之享明堂在永昌元年正月叡冲應舉當在是
年碑云公寢疾告其二子良器良弼曰吾祖成季
宣孟忠勲炳著迨漢吏部尚書融晉黃門侍郎元
亦能勦攘寇難捍衛王室按成季趙衰也宣孟趙
盾也衰字子餘盾衰字孟諡宣子左傳韓厥言
于晉侯曰成季之勲宣孟之忠而無後爲善者懼
矣碑語本此趙融附見魏書趙逸傳云逸天水人
也十世祖融漢光祿大夫而不言其官吏部尚書

趙元見晉載記晉師伐秦秦將姚洸鎮洛陽部將
趙元說洸固守洸出戰元從之會陽城及成臯滎
陽武牢諸城降元死于陣而不言其官黃門侍郎
皆史之畧也蓋叡冲之先世可攷者如是良器良
弼兩書亦無傳

大證禪師碑

碑高八尺廣三尺九寸三分二十五行
行五十二字正書在登封縣嵩山寺後

大唐東京大敬愛寺故大德大證禪師碑銘 并序

金紫光祿大夫門下侍郎平章事 太清太微宮使

崇慶宏文館大學士上柱國齊國公王縉撰

銀青光祿大夫行尚書吏部侍郎集賢殿學士副知
院事上柱國會稽縣開國公徐浩書

醴泉湧而蠲疾寶炬然而破闇蓮花無 染而 獨淨 夜光

不繫而自得其惟上智乎夫上智之身 曲隨 世界上智

之 心 悉遊聖境或宿植德 本乘願復來或意生人間 用

識 示非慧 見 口孰能 知之大德号曇真姓邊陳留開

詞人 也厥初為孩 稟印 特異亦既有識用 晦如愚家有

耕桑未嘗問鄉有學 校未 嘗顧則曰處 豐屋何 如方丈

馳良 馬何如 振錫 珪組耀世不如被褐金玉滿堂不如

虛白 食 珍 者豈覩飮來香積聽樂者豈聞梵唱云何戰

既勝矣出門絕迹潛 嵩少間專於讀誦年至二十遂適

太原受聲聞戒習根 本律性甚 聰敏博涉經論時同學

者仰之為師久而歎曰大聖要道存乎解脫不入其門

非佛之子乃損落枝葉澄清泉源詣 長老大照 醒迷解

縛開心地如毛 頭掃意塵於色界從此日益唯師能知

於四威儀之中無一剎那有怠不在 以至於大寂無作

以至於恒用我止無所虛空未為 廣我照 能遍日月未

為明震雷被 山間不聞等 烈風拔樹見不見等是主無

主與四大假合方寸 無生於一切 離相猶以為未出心

量彌勒深入大 照既沒又尋廣德大師一見而拱手再

見而分座問之於 了答之以默俱 詣等妙忽合 自他梵

網之行楞伽之心密契久矣廣德 又謝學徒嗷嗷 相顧

靡依來求於我嗣續前 教皆以實歸 出宅諸子俾 稱所

乘渡河三獸自止於分天寶季年山作逆陷我洛陽

亂兵蜂螫大德澹 然獨在 本處五龍潛衛於左右 豺狼

仰瞻 而讚嘆施財獻供終朝 門於善惡等以慈於苦

厄人以忍言 說不導無 畏故也動靜皆如自在故也度

眾無邊大願力也依報無 量邁種福也 夫修行之有宗

旨如水木之有本源始自達摩傳付慧可可傳僧璨璨

傳道信信 傳靈忍 忍傳 大通大通傳 大照大照傳 廣德

廣德傳大師一一授香一一摩頂相承如嫡密付法印

唯聖智所證非思議能測也大德既捨眷屬竊為沙彌

身不顧名志在成道聲稱浸遠歸依如林天寶八年緇

侶領袖舉以上聞乃蒙正度初隸東都衛

國寺旋為敬愛寺請充大德遷彼與住此有緣非無因

地雜人天之會法如雲雨之施衆有塵勞之悟詩盈河

潤之福今學與其進當學起其信善誘不倦得師則喜

利往者導之以捷觀與者辯之以正深在定者戒於貪

悟所覺者使之遠視彼來學如菴摩勒果莫其出世如

優曇鉢花齊我知稀故我貴矣寶應二年正月十四日

跌坐如生薪盡火滅年六十夏十四哀纏門人悲及塵

衆樹為之變色獸為之失聲棟折航沉佛土蕭索其年

九月葬於嵩岳寺之北阜大歷二年有司奏諡

上聞惻然乃賜號曰大證禪師緇嘗官於登封因

學於大照又與廣德素為知友大德弟子正順即十哲

之一也視緝猶父心用感焉以諸因緣為之強述銘曰

上德不德與慈連悲現於獨界俯為人師以

我無思破彼盡思爾方狀俗我則隨時由多

分別妄生垢淨根不緣口像豈染鏡法不可

著空即是病無得之得絕聖而聖

文字非文字 言語非言語 云何以解脫 云何而語女 隨宜說方便 究竟非我與 舍利依嵩山 寂寥松柏所

大龕四年歲次己酉口口二十四日

檢校僧敬愛寺談振 聖善寺僧義辯 安定劉

英模勒 河南屈集臣鐫

碑在嵩嶽寺後欹側荒坡中傳燈錄載達磨傳慧可傳僧燦燦傳道信信傳口忍忍傳盧能今碑載忍傳大通自通以下三傳為大証摩頂付法然則少林衣鉢授受六傳入嶺南蓋南宗也傳燈錄載北宗神

秀其門人嵩山普寂立秀師為六祖云 說嵩

右大證禪師碑真跡剝缺過半行款字數不可數可

識者共六百八十八字完全者三百二十五字 金石圖

文苑英華載此碑其文尚可攷年月据寶刻類編全磨滅也述書賦注稱縉為文筆泉藪是時縉捨財造

寺之弊甚矣唐代宗尊重二氏至沙門道士死而賜官賜諡誠可嗤笑碑列縉銜云太清太微宮使崇元

宏文館大學士上柱國齊國公劉昫書止云太微宮使其崇元作崇賢無齊國公封號皆當以碑為正 中州

金石記

按此碑間段磨泐文苑英華載此文今據以錄補
說嵩云碑在嵩嶽寺後欹側荒坡中河南通志嵩
嶽寺在登封縣城西北嵩山之前武則天幸嵩山
常以此為行宮而不載敬愛寺之所在則敬愛寺
毀廢已久今碑在嵩嶽寺後大抵敬愛寺址當時
與嵩嶽為鄰矣異文者王縉字夏卿維之弟河中
人舊唐書傳稱其以文翰著名廣德二年拜黃門
侍郎碑作同平章事太微宮使碑有宏文崇賢碑
崇館大學士加上柱國碑有齊國公然碑立于大
歷四年而傳稱三年以縉領幽州盧龍節度尋兼

太原尹北都留守河東節度營田觀察等使皆四
年之官而碑無之似撰文尚在四年以前也書者
徐浩舊傳稱其代宗朝為吏部侍郎集賢殿學士
新傳不言其官集賢而有會稽縣公之封兩傳互
異合之則與碑同也碑云禪師年至二十受聲聞
戒捨眷屬為沙彌天寶八年上聞正度充敬愛寺
大德寶應二年正月跌坐而滅年六十夏十四蓋
自天寶八年受度至此僅十四年故云夏十四以
前為沙彌者且二十六年也寶應二年七月改元
廣德故正月仍稱寶應碑又云縉嘗官于登封因

學于大照又與廣德素為知友縉傳稱廣德二年以縉為侍中持節都統河南淮西山南東道諸節度行營事兼東都留守碑所云嘗官于登封者當卽在此時也

逍遙樓三大字

石高九尺六寸廣四尺正書
徑二尺七八寸在廣西臨柱

逍遙樓

大歷五年正月一日顏真卿書

庾賁德政頌

碑連額高九尺七寸六分廣四尺二寸五分十四行
行三十十字篆書後有小記二各六行上下截刻上截

行四十一字至三十九字下截二十九字或三十一
三十三字不等並正書額題唐龔丘縣令庾公德政
頌十字篆書
在寧陽縣

荀勗古之良宰也榆陽之廣公今之
賢百里也龔丘頌之姑蘇口口口口
紀議尚謂廣公之政乃真公之善羣
口口口口口口口口口口口口口口
口口口口口口口口口口口口口口
長圖擇賢官獄也宰縣口我自任城
尉驪屈五百日非中何故留口口口
蘇疲乃程口口命圖密禮讓者形
解所後關土田宣口口口險口口潤

作時雨以爲文於是齊魯不繼井問
 咸獲三載奇績一方歸最 觀□□□
 御史清河魏公曰曰牧伯之賢也訓俗
 馴官勸直沮枉誅職之地魏詔□□
 方諧爽氣曰暑夏清而之松筠歲寒轉
 茂踴改正下上曰也受羣萃之德□□
 子異里聲同觀甘曰伯達上良牧賞
 隸上茂宰空矣公名贊寧曰明其美□
 川乃成周之時也爲堂庑因改命於公
 其忠焉公上考曰鈺嗣爲久州形象

王五七元澄爲尋陽令 曾王又曰師

則爲蜀王不學楷楷繼代龜麟標卷大

塵中三五者彭濤等二十五乃以公以累

口入咸豐形凡萬美昌于 元祚元祚

急答縣乃的陽州與公周旋備詳德於

口上作頌多魏終齊辭曰 於穆康公

宰守上皇化洽百里屬姑 一方邑者上

請顯音頌樓元祚嘉上 石圖初

大塵五季九月二日建

釋文

荀藐古之良宰也榆次碣之庾公今之賢百里也龔丘
頌之姑無口能口口口紀議者謂庾公之政尤矣公初
告羣吏曰昔孝宣憂元口口為經國致理口口口長迺
擇郎官御史之宰縣邑我自任城尉驟居五百石非才
何以當之折口口口蘇疲人祇若明命迺崇禮讓省刑
罰紆力役闢土田宣茲口口口儉口口潤佐時雨味為
春風於是齊魯不變井閭咸復三載考績一方歸最
都口口口御史清河張公曰昌牧伯之賢也訓俗馭官
勸直沮枉述職之地類能口口之口方浴寒氣日暮更清
比之松筠歲寒轉茂題以上下之目出乎羣萃之表口

口千里異聲同歡曰以伯達之良牧賞次孫之茂宰宜
矣公名賁字口明其先口川人成周之時世為掌庾因
以命族公其胄焉公之考曰欽嗣為口州別駕王父
曰元汪為尋陽令曾王父曰師則為蜀王文學楷模
繼代龜麟接武大龔中邑考彭滔等三十五人以公岐
柔口大咸願刻石褒美申于元戎元戎允答縣人以
陽冰與公周旋備詳德行口之作頌多愧能文辭曰
於穆庾公宰字之良化洽百里風播一方邑老上請
願言頌德元戎嘉之金石迺刻

大龔五年九月三日建

此九字特大書
在碑之第一行

佑之聞龔邱庾公德政碑舊矣自唐大歷五年歲在庚戌至今貞元三年乙亥凡三百八十五年善政獨彰芳塵孰嗣而李公之文辭篆字世所貴者佑之到官之初首加詢訪乃於廳事之後龔土中得其口斷壞散亡僅存其半嗟青瑤之沉埋懼磨滅之無日思欲得完本重刻于石未易得也聞邑尉承口趙珣君瑞肯為尋訪於邑人彭龜家得舊藏舊紙本一以示佑之詳讀玩味頗慰願見於是磨石命工口刻口記庶乎庾公之德政與夫李公之辭翰為不朽云五月一日承務郎兗州龔縣令林棣宋佑之記

有唐庾公嘗宰是邑當時治績昭著而名公若李陽冰者因邑人之請口文以頌其實口口既刻亦庶不朽不期圯壞其間廿餘年未遑再立德政口口不絕如綫縣令宋公下車之初首加詢訪越明年再勒其碑豈非宋公之為治有慕於庾公之治邪不然何以勸課農桑奉公竭節以今較昔不謀而合者往往皆是歟儒卿謂庾宋之治時雖異而美則同矣邑人鄉貢進士口口口口

徵事郎主簿孫思忠武校尉縣尉王景俊

管勾造碑佐史耿口口

碑殘剥僅有其半貞元三年林棣宋佑之來宰是縣訪得完本於邑人彭龜家重勒諸石今按其文序庾公名賁字文明其先口川人成周之時世爲掌庾因以命族公其胄焉公之考曰欽嗣爲光州別駕王父曰元汪爲尋陽令曾王父曰師則爲蜀王文學又云大歷中邑老彭滔等三十五人請於元戎云云然則當日彭滔之立頌石竟未上於朝也劉夢得高陵令劉君遺愛頌載寶應詔書凡以政績將立碑者具所紀之文上尚書考功有司考其詞宜有紀者乃奏今碑稱請於元戎及縣人以陽冰與公周旋備詳德行口之作頌豈此時節度此方者宜可以專擅固不必待朝命耶書之亦以考世變焉文內有攷字與弔相連說文攷撫也從攷亾聲讀與撫同此下一字存其上半弔是爲柔字撫柔蓋稱其惠于斯民也

授堂金石跋

此碑建於唐大歷五年至金貞元三年龔縣令宋佑之以舊本重摹於石佑之自爲記竝下儒卿後跋刻於碑之左方碑文下截每行泐去三五字餘俱可辨黃小松司馬云碑陰尙有金貞元間給事郎守令于

象及典史單文等名未有拓本

山左金石志

按此碑無撰書人姓名文云縣人以陽冰與公周

旋云云宋佑之記亦云李公之文辭篆字世所貴者則撰書皆陽冰爲之也山東通志龔邱本漢寧陽縣地北齊置平原縣隋以縣東南二十里有龔邱城更名宋大觀四年避宣聖諱祇稱龔縣金大定二十九年避顯宗諱復改爲寧陽元明以來因之此碑重刻于金貞元三年其時未改寧陽故宋佑之記自稱龔縣令也碑云都□□御史清河張公曰昌牧伯之賢也訓俗馭官勸直沮枉題以上下之目出乎羣萃之表云云玩其文義似與盧正道清德碑相同中宗神龍二年勅內外五品以上充十道巡察使廉按州郡其時正道爲滎陽縣令衛州司馬路敬潛爲河南道巡察使以正道政術尤異奏聞中宗降勅褒美識法師爲之立碑頌清德此碑似係御史張曰昌爲巡察使品定庾公政績邑老彭潛等三十五人刻石褒美所謂題以上下之目者猶言上考下考庾公治居上考也特是碑但言申于元戎元戎允答而無奏聞之明文故不聞朝廷有勅旨如盧正道耳碑云公名賁其先口川人泐一字乃潁川也廣韻云庾出潁川新野二望碑又云成周之時世爲掌庾因以命族公

其胄焉通志氏族畧庾氏堯時掌庾大夫以官命
氏至春秋時周有大夫庾皮皮子過邑于緱氏然
則碑以為成周掌庾者傳訛也碑敘其先世曰考
欽嗣王父元汪曾王父師則史皆無傳碑中用字
如荀藐之荀松筠之筠皆新附字苟當作郇徐鉉
云今人姓荀氏本郇侯之後宜用郇字筠當作緝
嘉定錢君大昭云周禮考工記梓人上綱與下綱
出舌等緝寸焉鄭司農注緝籠綱者讀為竹中皮
之緝緝持綱紐也此即古筠字又說文莫日且冥
也从日在黽中碑書作暮从兩日俗字也繼續也
从糸繼一曰反繼為繼案劉古文絕字繼字从反
絕為義碑竟从繼亦誤凡碑誌之例多自高曾順
下此則自考上溯曾祖又一例也庾公賁史亦無
傳碑題建立年月在文前一行字較文特大亦他
碑所未有

臧懷恪碑

碑高一丈一尺一寸廣五尺四分共二十八行
行字自五十八至六十四不等正書在三原縣

唐故右武衛將軍贈工部尚書上柱國上蔡縣開國侯

臧公神道碑銘 并序

金紫光祿大夫行撫州剌史上柱國魯郡開國公顏

真卿撰并書

翰林 待詔光祿卿李秀巖題額

公諱懷恪字貞節東莞人其先出于魯孝公之子彊字子臧大夫不得祖諸侯其孫以王父字爲氏僖哀二伯既納忠於魚鼎文武兩仲亦不朽於言哲丈人成功而遁迹子原抗節而捨生義和辭金飾之器榮緒奮陽秋之筆賢達繼軌紛紛至今會祖滿階驃騎將軍祖寵皇通議大夫靈州都督府長史父德朝散大夫贈銀州刺史咸務遠圖克開厥後恤靡之慶世祀宜哉公卽銀州之第三子也身長六尺一寸眉目雄朗鬚髯灑秀雅善騎射尤工尺牘沉靜少言寬仁得衆奇謀冲逸英異

冠倫友于弟兄謹余鄉黨每敦詩而執禮不苟柔以吐剛莅事而剖判泉流臨戎而智畧鋒起古所謂文武不墜高明有融者焉少以勲勞亟紆戎級開元初嘗遊平盧屬奚室韋大下公挺身與戰所向摧靡繇是發名

靈宗聞而嘉之拜勝州都督府長史銳精佐理絜矩當官朔漠不空邊隅用又俄拜左衛率府左郎將轉右領軍中郎將兼安北都護中受降城使朔方五城都知征馬使戎事齊足十萬維羣我伐用張軍威以肅由是深爲節度使王峻所器奏充都知兵馬使嘗以百五十

騎遇突厥斬啜八部十萬餘衆於狼頭山殺其數百人引身據高環馬禦外虜矢如雨公徒且殲遽而給之曰我爲臧懷恪勅令和汝何得與我拒戰乎時僕固懷恩父設支適在其中獨遮護之諸部落持疑不肯公判羊以盟之仗義以責之衆皆感激由此獲免遂與設支部落二千帳來歸後充河西軍前將盤禾安氏有馬千駟怙富不虔一族三人立皆殿斃軍州悚慄疇敢不祇但爲節使相國蕭嵩所賞後充河源軍使兼隴右節度副大使關西兵馬使拜右武衛將軍吐蕃不敢東向者累季俄封上蔡縣開國侯開元十二季歲次甲子

春二月廿有六日薨于鄴城之官舍享年五十六其季八月廿三日詔曰故具官公頃以幹能亟承任使操行逾謹勞効未酬不幸遷殂良增追悼可贈右領軍衛大將軍卽以其季冬十月庚戌遷窆于京兆府三原縣北原禮也嗚呼公兄左羽林軍大將軍平盧副持節懷亮以方虎之材膺爪牙之任孔懷斯切致美則深七子游擊將軍崇仁府折衝希崇豐州別駕贈宋州刺史希祖左武衛將軍朔方節度副使贈太子賓客希忱右衛左郎將劔南討擊副使贈汝州刺史希情右驍衛郎將靜邊軍使贈祕書監希景寧州刺史左金吾衛將軍贈

楊州大都督希晏開府儀同三司行太子詹事兼御史大夫邠寧山南觀察使集賢待制工部尚書渭北節度使魯國公希讓等夙漸詩禮恭承教義芬潤挺蘭玉之姿英威轡虓瀾之質而希讓識度廓遠器謀沉邃仁親以孝殿國以忠綽裕冠於人倫勲勞赫於王室至德中今上為元帥東伐肇允押牙從收兩京陟降左右入侍帷幄既崇翬戴之功出擁麾幢載叶澄清之寄加以篤睦羣從紉綏宗族吉凶瞻恤終始無渝行道之人孰不嗟尚

蕭宗以公有謀翼之勤乾元三季春三月贈魏州刺史寶應元季冬十月又贈太常卿廣

德元季冬十月詔曰孝以立身可揚名於後代忠能事主故追榮而及親開府儀同三司兼御史大夫元帥都虞候魯國公臧希讓亡父贈太常卿懷恪業茂勲賢地華簪紱佩忠信而行己包禮樂以資身守節安卑幽貞自處養蒙全正聲利不營雖與善無徵促齡悲於逝晷而積善垂裕餘慶光於後昆故得業濟艱難功參締構出有藩條之寄入多爪牙之任位以德遷禮宜加等父由子賢贈合超倫宜登八座之榮式慰九原之路又贈工部尚書哀異之典於斯為盛臧氏自驃騎而下世以材雄朔陲尚書既還特以功赫當代兄弟子姓勲賢

開出自天寶。咍乎開元。乘朱輪而拖珪組者數百人。迨于今。茲繁衍彌熾。綰軍州而握兵要者。相望國都有後之慶。固殊異于他族者矣。真卿早歲與公。兄子謙爲田蘇之游。敦伯仲之契。晚從大夫之後。每接嘗寮之歡。故公之世家。竊備聞見。敢述遺烈。將無媿辭。銘曰。

魯史衰者。臧孫有之。陳策則諫。納鼎以規。歿賢言立。時稱聖爲仁。昭興墳智。叶著龜世。濟忠肅口。光羽儀以至。夫公英明。雄毅鸚視。騰彩龍驤。作氣鋒淬。霜稜妙窮。金匱謀猷。泉寫翰墨。風駛儒勇。是兼勲庸。以位介馳。戎馬猛奮。虓虎絕漠。援孤連兵。戰苦萬虜。鳴鏑紛紛。如雨一

身抗詞。諤諤連挂。精貫雲日。氣雄鉦鼓。狄人義激。僕固誠全。眇湯窮裔。隨降幾干。野靜沙雪。風恬寒煙。我騎如雲。我旗連天。牧無南向。凱有北全。天子休之。命侯開國。謂福而壽。康衢駢力。奚命之邇。隘局是卽。十城玉折。萬里鵬息。陣雲蒼蒼。日暮無色。令人趨奉。天眷孔明。九原不作。八座哀榮。勇列徽範。芳時懿名。里成冠蓋。族茂簪纓。萬古千祀。瞻言涕零。

臧懷恪碑。顏魯公篆。并書懷恪再爲王峻。蕭嵩兵馬使。積官右武衛將軍。封上蔡縣侯。三贈而至工部尙書。則以子希讓貴故也。兄懷亮。至左羽林大將軍。懷

恪有子七人咸顯而希讓至尚書節度使魯國公碑
稱兄弟子姓勛賢間出自天寶距于開元乘朱輪而
拖珪組者數百人而唐史不為立傳故聊載之書法
偉勁不減家廟茅山而石完不泐尤可喜也金石錄
又載韓擇本書第三子太子賓客希忱碑及希晏碑
以韓秀弼書之希讓曾子也而能為不朽計乃爾誠
有過人者矣

會州山人稿

尚書墓在陝西之三原縣顏公此刻人間少傳予向
以使事道陝得之尚書七子皆為顯官而希讓至魯
國公顏公文集復有臧氏紉宗碑書七子官與此不

同金羅琳瑯

右贈工部尚書臧懷恪碑不見立碑年月趙氏金石
錄以為大歷中立顧氏金石文字記據碑文載廣德
元年十月贈官詔書因系之廣德元年予以魯公署
銜證之而知德甫為可信也魯公麻姑仙壇記云大
歷三年真卿刺撫州具撰李含光碑云大歷六年真
卿罷刺臨川旋舟建鄴今此碑題金紫光祿大夫行
撫州刺史上柱國魯郡開國公則必在大歷三年以
後矣寶刻類編以為開元十二年立則但據其卒之
年月并未讀其全文尤為疏舛

潛研堂金石文跋尾

碑云開元初嘗遊平盧屬奚室韋大下公挺身與戰所向摧靡新唐書室韋傳惟載開元天寶間凡十朝獻其後貞元四年與奚共寇乃見于傳證之碑則開元初已內侵而史蓋失錄又碑下文遇突厥斬噉八部部落十萬餘衆于狼頭山今檢突厥部落無此名通鑑聖歷九年九月改默噉為斬噉當時武后憤其偏疆故漫為此號而魯公亦襲用之然懷恪應變給敵功不為細乃卒不附突厥本傳亦其疎也又所云僕固懷恩父設支適在其中獨身遮之由此獲免遂與設支部落二千帳來歸案之唐書皆不合傳載懷恩鐵勒部人則懷恩父亦舊屬鐵勒矣又云乙

李噉生懷恩世襲都督則傳言父蓋名乙李噉今碑乃云懷恩父設支則又名設支矣至云與設支部落二千帳來歸設支又自有部落及開元初來歸始為唐臣亦非世襲都督者疑此數事史文皆未悉並當以碑為據且足補突厥室韋二傳之闕則是碑之傳益可寶也

授堂金石跋

按此碑無年月以撰書之顏真卿結銜考之碑題行撫州刺史魯郡開國公新唐書真卿傳代宗立起為利州刺史不拜再遷吏部侍郎除荆南節度使未行改尚書右丞帝自陝還真卿請先謁陵廟

宰相元載以為迂俄以檢校刑部尚書為朔方行

營宣慰使未行畱知省事更封魯郡公時載多引

私黨真卿上疏載以為誹謗貶硤州別駕改吉州

別駕遷撫湖二州刺史載諫楊綰薦之擢刑部尚

書進吏部舊傳帝自陝還者代宗本紀廣德元年

十月庚午吐蕃陷邠州辛未寇奉天武功京師戒

嚴丙子如陝州戊寅吐蕃陷京師十二月甲午至

自陝州是也元載為宰相乃寶應元年建辰月之

事元載之誅乃大歷十二年事真卿之為撫州刺

史傳雖不詳何年玩其敘次在載誅之前据麻姑

仙壇記大歷三年已刺撫州則不出三年至十二

年矣集古錄曰載顏真卿乞御書放生池碑額表

碑并碑陰記大歷中真卿為湖州刺史建于

州之駱駝橋東以大歷九年立据此則真卿今据

之刺湖州在九年其刺撫州又在九年之前

其子希晏大歷五年立碑則此碑必與同時所立

因列于其前碑載懷恪以開元十二年二月薨十

月窆乾元三年贈魏州刺史寶應元年贈太常卿

廣德元年贈工部尚書自是又踰數年而後立碑

蓋距其薨四十餘年矣碑云祖寵父德据魯公文

集東莞臧氏紉宗碑銘祖寵與此同而父作善德

金薤琳瑯載此碑父善德與紉宗同而祖作君寵

蓋金薤訛也碑云斬啜八部

落又云僕固懷恩父

設支

金薤琳瑯訛作設之新唐書僕固懷恩傳父乙李啜舊

書傳作乙李啜拔似新書脫一拔字啜拔卽碑云

啜八皆部落之名至碑所稱設支雖無可攷然以

其爲部落之名亦可無疑以臆度之猶漢時郅支

之遺也疑懷恩之父本未有名卽以部落爲名故

啜拔設支皆可隨稱而乙李啜拔又蕃語繁簡之

不同也紇宗碑載懷恪有兩兄懷慶懷亮而懷慶

已書贈官是已先卒故碑但書懷亮碑書懷恪七

世官與紇宗碑不同者長希崇游擊將軍崇仁府

折衝紇宗作右衛中郎將贈口州刺史次希昶與

碑同次希忱以下贈官俱同所不同者希忱左武

衛將軍朔方節度副使紇宗作左驍衛中郎將次

希愔右衛左郎將劍南討擊副使紇宗作忠武將

軍次希景右驍衛郎將靜邊軍使紇宗作左威衛

中郎將次希晏紇宗贈左街使餘同次希讓紇宗

但書魯國公不書官位前六子皆有贈官則立碑

時皆已先卒惟希讓在矣碑云真卿早歲與公兄

子謙敦伯仲之契所謂兄子謙者不知是兄字子

謙抑或是兄子名謙据紇宗碑懷恪兩兄旣無子

謙之稱懷慶五子希古希真希賓希拙希逸懷亮
 五子敬廉希莊敬之讓之敬此此疑亦無謙名再
 据碑懷恪以開元十二年卒年五十六其生在總
 章二年則其兩兄當生于龍朔麟德之間史稱真
 卿以興元元年卒年七十七其生在景龍二年少
 于懷恪兩兄之年四十餘則早歲所與敦契者為
 兄子無疑特不知謙為何人之原名耳真卿撰此
 碑當與紇宗碑同時而文有不同者如此所未詳
 也

臧希晏碑

碑高九尺四寸五分廣四尺五寸六分
 二十四行行四十九字隸書在三原縣

口唐故金紫光祿大夫左金吾衛將軍口口州大都督
 臧府君神道碑銘并序

銀青光祿大夫行兵口侍郎上柱國清河郡口口口
 張孚撰

朝議郎守衛尉少卿淮陽縣開國男賜緋魚袋韓秀
 弼書

有唐廣德二年八月五日朔左金吾衛將軍臧公薨于
 口口安邑里之私第享年五十有三大曆五年十月十
 五日葬于三原縣長坳鄉禮也公諱希晏字恭靖先封

受氏奔葉重光僖伯諫魚哀伯諫鼎文仲立德武仲立
言傳慶□□□之□□□□□□□□□□之際子孫有後大庇
生靈述職因官今為京兆人也曾祖君寵通議大夫靈
州長史祖善德銀青光祿大夫銀州刺史贈太子少師
父懷恪右領軍衛將軍魏州刺史上蔡侯贈工部尚書
重世將門一時人傑光臨舊圖非驚於守□繼登列郡
載美於□□儻社白茅式旌餘烈母明朝也握五兵之
要漏幽泉也追八座之尊禮備□榮 澤覃存歿

名器之重今古無儔而高門榮戟前庭鍾鼎谷量千駟
之馬籛滿萬金之裝三武邁賈氏諸昆八元□高陽才

子公□□□節長標雅操用武則武可畏學文則文足
昭鬱為珪璋俯拾青紫常以為千戶侯力可取萬人敵
才之餘□藝總九流射穿□札長纓係頸於閩越□兵
斷□於匈奴開元理兵之歲塵飛碣石烽照甘泉盧龍
北隘胡馬南牧克貞師律□□親賢 天子

御正陽前殿乃命禮部尚書信安郡王建牙璋擁金節
控弦廿萬以專征之六郡良家公為特□而□征□□
□□□□公以為揚雄執戟阮籍戍兵千古同□□無
慙色其後出右地窮河源收堅城拔高壘戰勝攻取左
旋右抽合變出奇智□□遇以□功業遷至衛尉少卿

尋加口受降城使河曲之間威聲載路屬三水之地五
載未巡公侯腹心受委而拜遂以公為口口皇城使遷
左監門將軍兼麟州刺史無何轉慶州刺史去思來暮
行古之道特拜太僕卿兼寧州刺史夫漢宣共理所以
寄口侯也口口以寧是川咨多口也故佩中朝之印塞
外臺之帷抑有由矣屬親征振旅薄伐弔人駐蹕而
萬姓來蘇迎

鑿而百神望

幸由是口其列

郡口為行宮鎮六龍之旂儀雙鳳之闕擇能作牧匪易
其人以政理殊尤拜左金吾衛將軍左衛使臣切爪牙
寄崇心膂口利功業亞夫口名方欲鑿出師之門分制
軍之間未加明命忽聞幽泉故老泣於邊疆賢臣愴於
冠劍將星夜落陣雲朝起凜然餘勇千載猶生故夫人
贈燕國夫人劉氏百代舊封五公貽慶嬪則彰美姆訓
香芳生前已飾其口并歿後更封於石窳先公口口合
祔同歸公之季弟希讓御史大夫工部尚書渭北節度
贈太子太師往與公更執金吾同口口王肅儀貌陳
平智謀雄憲臺之口口長城之萬里因心則友義切
天倫嗣子睦王府長史叔獻次子鄧州別駕叔雅季子
河南府河清縣主簿叔清樂樂口口攀號岡極羔柴泣
血曾參絕漿喪過乎哀行過於禮敬承副相之託式紀

冠軍之銘銘曰

臧孫有後千古立程才為將畧道實人英出入三代光

□百城□□之□□□之□□□□□□定傾□□

□□□□嘉名□□父子□□弟兄高碑之上□紀忠

□

按寶刻叢編載諸道石刻錄有唐贈揚州都督臧希

晏碑云唐贈揚州都督韓秀弼八分書大歷五年立在三

原今碑不見贈揚州都督事亦無大歷五年字或皆

在所缺處葬于廣德而建碑于大歷年亦不遠也

希晏為懷恪子兄弟七人皆貴顯懷恪碑為魯書甚

傳于時金石錄載臧氏墓碑凡三金石畧載韓秀弼

所書碑凡四而俱不及此何也碑雖斷缺然名字世

系歲月功勳及夫人嗣子俱尙可見亦異于泯滅失

傳者矣

金石存

按臧希晏為懷恪第六子

分州山人彙誤作長子

碑題□□

州大都督勳二字據懷恪碑是贈揚州也撰文者

張孚孚字可辨蓋與曹倦因先生藏本同為佳搨

矣張孚及書人韓秀弼史皆無傳古今碑帖考載

韓秀弼秀實秀榮三人云並以八分擅名又俱同

時必其兄弟諸書皆無可攷墨池編載秀弼所書

碑有六曰元待聘碑李齊物碑鄭叔清碑裴曠改
葬碑鎮國公李元亮功德頌李晟先廟碑並八分
書而不及此碑并州山人稟則載此碑云廣德二
年書是亦未細閱全文也碑稱曾祖君寵祖善德
與懷恪碑不同又稱父懷恪石領軍衛將軍魏州
刺史贈工部尚書字與懷恪碑異碑云開元理兵
之歲命禮部尚書信安郡王楚弦廿萬以專征之
此卽開元二十年正月信安郡王祚爲河東河北
道行軍副元帥伐奚契丹事詳見白道生碑跋中
碑云屬親征振旅薄伐弔人此指肅宗靈武時事
顏魯公撰臧氏紉宗碑懷恪七子書贈官者六人
惟希讓不書贈官蓋其時希讓在也此碑則云希
讓贈太子太師則亦卒矣希晏三子叔獻叔雅叔
清其官位與紉宗碑不同碑云叔獻睦王府長史
紉宗云朝散明州長史碑云叔雅郢州別駕紉宗
云朝散洋州司馬碑云叔清河清縣主簿紉宗云
京兆府叅軍蓋紉宗與此碑有建立前後之不同
也

碑有六曰元待聘碑李齊物碑鄭叔清碑

葬碑鎮國公李元亮功德碑李晟先德碑

出而不及此碑并州山人某則載此碑

京兆私察軍蓋除宗與此碑皆數立前於之不同

云陳道弼碑同風碑江妹書碑青練生碑除宗云

除宗云陳道弼碑江妹書碑江妹書碑江妹書碑

書其官封與除宗碑不同碑云妹書碑江妹書碑

魏韻太子太師順承卒矣帝晏三年妹書碑江妹

魏韻不書韻官蓋其魏韻書也此碑限注帝

魏韻公魏韻江妹書碑江妹書碑江妹書碑



